



ՄԱՅՐ ԱԹՈՌ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

**Ն. Ս. Օ. Տ. Տ.
Գարեգին Բ Ամենայն
Հայոց Կաթողիկոսի
Ամանորյա ուղերձը**



Միտքի՛ գալականներ Մեր ի Հայաստան, Արցախ եւ ի սփյուռս,

Մայր Աթոռ Սուրբ Էջմիածնից հայրական սիրտ Մեր ողջույնը, աղոթքն ու օրհնությունն ենք բերում ձեզ տա-րեանուրի այս երկրը:

Հնի եւ նորի սահմանագծին, երբ մեր հայացքն ուղղ-վում է դեպի ապագա, ծանր հոգով նստել վերհիշում ենք չարադեմ 2020 թվականը եւ սգում մեր հազարավոր գալականների եւ Արցախ աշխարհի զգալի մասի կորուս-տը: Անցնող տարում համավարակի եւ պատերազմի արհավիրքները կորստյան ցավ ու մահվան վիշտ տա-րածեցին հայրենական մեր կյանքում: Մեր հոգիներն աղեկոծեցին նաեւ Միջիայում չընդհատվող պատերազմի ծանր հետևանքները եւ աղետալի դեպքերը Լիբանա-նում: Հայաստան եւ Արցախ մեր երկրի առջև ծառա-ցած քաղաքական, տնտեսական եւ սոցիալական մար-տահրավերները, հայրենիքի սահմաններին անկայուն խաղաղությունը, ապագայի անորոշությունը, արդարեւ, տկարացրել են մեր ժողովրդի գալականների լավատեսու-թյան ոգին: Հուսախաբ ենք, այո՛, բայց Աստծուն ապա-վինած՝ լի ենք հավատով, որ պիտի հաղթահարենք դժվարին այս ճգնաժամը:

«Դու չես լքի նրանց, ովքեր փնտրում են Քեզ, Տեր» (Մատթ. Թ 11): Մաղմուսեցուի այս խոսքերը հոգում ծրարած՝ մեր ժողովուրդը բոլոր ժամանակներում իր հուսավոր հայացքն ուղղել է դեպի գալիքը: Հայոց ան-կախ պետականության նվիրական տեսիլքն ու ան-հատնում ձգտումն իր սրտում ազգս հայոց գործությունն է ունեցել հառնելու ամենաժանր փորձություններից, ամգամ հայրենագրկումի եւ ցեղասպանության արհա-վիրքներից, եւ այսօր էլ, հավատում ենք, ներուժն ունի վերակազմակերպելու իր կյանքը, գորացնելու հայրե-նի պետությունը: Հայրենաշինության սրբազան առա-քելությունը հաջողությամբ պիտի պսակվի միայն մեր ժողովրդի կարող ու առողջ բոլոր ուժերի համերաշխ մասնակցությամբ եւ միաբան ոգով: «Միաբանությու-նը,– ինչպես գրում է Մեծն Եղիշե վարդապետը,– բա-րի գործերի մայրն է, անմիաբանությունը՝ չար գործե-րի ծնողը»:

Միտքի՛նք, Հայրապետիս հորդորն ու պատգամն է՝ ստեղծված լրջագույն իրադրության առջև գորանալ հավատով եւ անբասկնել վճռականությունը, որպեսզի ամենայն հանձնառությամբ կառուցենք եւ սերունդներին ավանդենք հզոր, բարօր եւ անվտանգ հայրենիք:

Շարունակությունը՝ էջ 2

**Ն. Ս. Օ. Տ. Տ. Գարեգին Բ Ամենայն Հայոց
Կաթողիկոսի Պատգամը մեր Տեր Հիսուս Քրիստոսի
Սուրբ Ծննդյան եւ Ասվածահայտության տոնի առթիվ**

Նունվարի 6-ին, մեր Տեր Հիսուս Քրիստոսի Սուրբ Ծննդյան եւ Աստվածահայտության հոգեմորոգ տոնի առթիվ, Ն. Ս. Օ. Տ. Տ. Գարեգին Երկ-րորդ Ծայրագույն Պատրիարք եւ Ամենայն Հայոց Կաթողիկոսը Սուրբ Պատարագ մատուցեց Երեւանի Ս. Գրիգոր Լուսավորիչ մայր եկեղեցում: Ս. Պատարագի ընթացքում Ամենայն Հայոց Կաթողիկոսն իր հայրապետական պատգամն ու բարեմաղթանքները հղեց աշխարհասփյուռ հա-վատավոր հայ ժողովրդին՝ ամենքին փոխանցելով Տիրոջ սուրբծննդյան կենդանարար ավետիսը: Ս. Պատարագի ավարտին տեղի ունեցավ նաեւ Զորիհների արարողություն: Սուրբգրային ընթերցումներից, ջրօրինյաց շարականների երգե-ցողությունից եւ Բարսեղ Մեծի աղոթքից հետո Ամենայն Հայոց Կաթողիկոսը խաչով եւ մյուռնով օրհնեց ջուրը: Օրհնությունից հետո սուրբ խաչը փոխանցվեց խաչի այս տարվա կնքաիրը՝ օրերս Արիության մեղալի արժանացած զինծառայող, կրտսեր սերժանտ, շիրակցի Գոռ Պետրոսյանին: Վերջում Ամենայն Հայոց Կաթողիկոսը վերստին ջրօրինյաց խաչով օրհնեց բարեպաշտ ժողովրդին:

Յանուն Հօր եւ Որդւոյ եւ Հոգւոյն Սրբոյ. ամեն:

«Էր Լոյսն ճշմարիտ, որ լուսատւ առնէ՝
զամենայն մարդ, որ գալոց է յաշխարհ»
(Յովհ. 1. 9):

Միտքի՛ հավատավոր գալականներ Մեր ի հայրենիս եւ ի սփյուռս,
Մեր Տեր Հիսուս Քրիստոսի Սուրբ Ծննդյան եւ Աստվածահայտ-ւթյան տոնին, աղոթական ոգով համախառնված մեր սուրբ եկեղեցի-ներում, օրհնաբանում ենք նորածին Փրկչին: Սուրբ Ծննդյան օրհնյալ այս օրը Բեթղեհեմի մատրից ծագեց ճշմարիտ Լույսը՝ լուսավորելու համար մարդկանց հոգիները: «Էյդ ճշմարիտ Լույսն էր, որ լուսավի-րում է ամեն մարդու, որ աշխարհ է գալու»,– գրում է ավետարանիչը:

Աշխարհի փրկության համար մարդեղացած Աստվածորդու Սուրբ Ծնունդը ավետարանչի նման սրբազան շարականագիրը համեմա-տում է արեգակի ծագման հետ՝ ասելով. «Ծագեցիր Հորից՝ լուսա-վորելու արարածներին, Արդարության Արեգակ, Տեր, փա՛ռք Քեզ» (Շարական Սուրբ Ծննդյան): Աստվածորդին եկավ փարատելու մեղ-քի ու մահվան խավարը եւ մարդկությանն առաջնորդելու դեպի իր Արարիչը: Փրկչի Ծննդյան համեստ քաղաքից ճառագեց հոգեւոր նո-րոգության, հոգեւոր գործության արշաւույրը:

Ծննդյան օրից Հիսուս մանկանը վիճակվեցին հալածանքներ: Փրկչին Բր ընտանիքի հետ փախաւական դարձավ Բր ծննդավա-րից, երբ Նրա մահր ցանկացող Հերովդեսը կազմակերպեց մանուկ-ների կոտորածը՝ կարծելով, թե սպանեց նորածին Աստվածորդուն եւ հաղթեց Նրան: Սակայն իրական հաղթությունը Քրիստոսին էր, որ փրկչական Բր առաքելությամբ չարչարանաց ճանապարհի պսակեց հարության փառավոր հաղթանակով: Բոլոր դժվարությունների մի-ջով անցնելով՝ Տերը հույս բերեց անկյալ մարդուն, փրկություն՝ մարդ-կությանը, որ ընկղմված էր անօրենությունների եւ կռապաշտության խավարի մեջ: Պատմության բոլոր ժամանակներում հերովդեսները



դաքական հաղթականքներից, հասարակություններին տիրել է բեռե-ռացումների հանգեցնող նյութապաշտությունը, եւ արդարությունն ու ճշմարտությունը դարձել են հարաբերական արժեքներ: Հակասական ու անհանգիստ այս աշխարհում Հիսուս Քրիստոս ծագում է որպես Արդարության Արեգակ, Լույս ճշմարիտ՝ լուսավորելու մարդկության կյանքի ուղին:

Միտքի՛նք, Քրիստոսի հրաշափառ Ծնունդը հույսի եւ միմիջարու-թյան աղբյուր է մեր սրտաբեկ ժողովրդի համար հատկապես վշտա-տանջ այս օրերին, երբ անդրադառնում ենք, որ մեր կյանքը եւս գերծ չեղավ կործանարար սիպլներից եւ մեղանշումներից: Անկայուն խա-ղաղության եւ պատերազմի սպառնալիքների հանդիման չորաներվեց անհրաժեշտ զգնություն, հայրենիքի ու ժողովրդի շահի ստորադաս-վեց նեղ ձգտումներին ու նկրտումներին: Աստվածա-մերժ ոգին եւ օտարածին զարափարներն ու բարբերը ներթափանցեցին մեր հասարակությունից ներս: Մեր կյանքը հեռու չեղավ կեղծիքից, զազրախոսությունից, անհանդուրժողությունից, ատելությունից ու թշնաման-քից, որ սփռվում էր եւ շարունակում է սփռվել ամե-նատարբեր միջոցներով՝ մասնատելով մեզ եւ ցամա-քեցնելով Քրիստոսի սերը մեր մեջ: Իսկ Ավետարանը վկայում է. «Ինքն իր մեջ բաժանված ամեն թագավո-րություն ավերվում է, եւ ինքն իր մեջ բաժանված ամեն քաղաք կամ տուն կանգուն չի մնա» (Մատթ. ԺԲ 25): Արցախյան պատերազմի աղետալի հետևանքները տագնապի ու անորոշության զգացումներով են պաշա-րել մեր ժողովրդի գալականների հոգիները: Արցախ աշ-խարհի զգալի մասի կորուստը, մեր հեռու գալականների նահատակությունը, անօթեւան ու նյութական կարիքի մեջ գտնվող տեղահանված տասնյակ հազարավոր ար-ցախցի մեր եղբայրների ու քույրերի, հազարավոր վի-րավորների եւ գերեվարված հայորդիների ցավն ու վիշ-տը մեր ազգային կյանքը հայրենիքում ու սփյուռքում վերածել են մռայլ ու մթազանց գիշերվա: Այս խավարի,



աղետ, ավեր ու թշվառություն են պատճառել մարդկությանը, չարի ներգործությամբ գրվա են բարձրացրել հակառակությունն ու թշնա-մությունը, առաջադեմ ձեռքբերումների կողքին եղել են աղքատու-թյուն, կեղեքում ու անիրավություն: Եվ այսօր էլ մարդիկ՝ մեղքերով ծանրաբեռն, հեռանում են Աստծուց, աշխարհի արեւախալում է քա-

մղձավանջային այս իրականության մեջ այսօր պայծառորեն ծագում է Արդարության Արեգակը՝ լուսավորելու մեր ազգային ու հայրենական անդաստանը եւ Բր ջերմանող գործությամբ բժշկություն պարգևելու ազգիս վիրավոր հոգուն:

Շարունակությունը՝ էջ 2

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի Ամանորյա ուղերձը

Սկիզբը՝ էջ 1

Աստուծո Խոսքին ու քրիստոնեական արժեքներին հավատարիմ՝ հոգ տանենք միմյանց և ջերմագին սեր առ բազմապարսար մեր հայրենիքը, մեր ջանքերն ու ուժերը մեկտեղենք ի նպաստ ազգային ու հայրենական մեր կյանքի նորոգության ու պայծառության: Մեր հայրենիքը հզորացնելու, մեր պետականությունը վտանգներից գերծ պահելու, մեր սահմանները խաղաղ ու ապահով դարձնելու և համայն մեր ժողովրդի կյանքը շենացնելու պատասխանատվությունն ամենքինս է: Այս գիտակցությամբ հայրենիքի նոր օրը խարսխենք եղբայրություն, արդարության և օրինահարգության վրա:

Նոր տարվա սեմին միասնաբար հայցենք, որ Տիրոջ Սուրբ Ծննդյան շնորհները «յերկիր խաղաղություն, ի մարդիկ հանություն» ավետիսով տարածվեն մեր հայրենի եզերքներում: Աղոթենք ու երախտագետ սրտով հիշենք մեր նահատակներին, շուտափույթ վերադարձ մատչենք գերեզմարվածներին, ապաքինություն՝ վիրավոր մեր զավակներին և խնդրենք Աստծու գորակցությունն ու օրհնությունը նրանց, մեր հեղուների ընտանիքներին և համայն մեր ժողովրդին: Աղոթենք հայրենյաց պաշտպանության դիրքերում գտնվող մեր բանակի քաջադի գորակալների և բոլոր նրանց համար, ովքեր տարեմուտը դիմավորում են ծառայության մեջ: Աղոթքով հիշենք և համախարակից մահացած մեր ժողովրդի զավակներին:

Ամենագույթ Աստված, բարերար Բո կամբով և ամենաառատ ողորմությամբ թող 2021 թվականը լինի խաղաղության, ազգաշեն ու հայրենանպաստ իրագործումների տարի և միխոարություն բերի մեր սրտերին, գորություն և հաղթություն՝ հայոց կյանքին:

Աստված պահապան մեր հայրենիքին և ժողովրդին: Բարի, օրհնյալ տարի:

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի Պատգամը մեր Տեր Հիսուս Քրիստոսի Սուրբ Ծննդյան և Ասվածահայտության տոնի առթիվ



Սկիզբը՝ էջ 1

Միրելի՜ բարեպաշտ ժողովուրդ, մարդեղայալ Աստվածորդու անբավ սիրուն և փրկության շնորհին ապավինելով՝ մենք դարերի ընթացքում հաղթահարել ենք պատերազմների, աղետների տառապանքներն ու գրկանքները, հուսախաբությունն ու հուսալքությունը և կերտել մեր կյանքի հաղթանակները: Այս օրերին ես մեր հավատը կենդանի է նույն փառսիրտությամբ: Մենք ի գորտ ենք վերադարձնելու ու շենացնելու մեր հայրենիքը և մեր կյանքի նոր գարթները իրականություն դարձնելու՝ աշխարհափայտը հայության ներուժի ու ջանքերի մեկտեղումով, Հայաստան ու Արցախ համերաշխ ու միաբան հասարակությամբ, զարգացած տնտեսությամբ, գիտությամբ ու կրթությամբ, նորագույն զինտեխնիկայով համալրված բարձր մարտունակությամբ բանակով: Բնչպես պատերազմի տազնապալի օրերին, մեր սրտերը պիտի բաբախեն հայրենիքի սիրով, մեր մտքերն ու նվիրական զգացումները՝

իր փարված լինեն հայրենի սրբազան երկրին: Հայրենական կյանքի կայունությունը հաստատուն պահելու, երկիրը փտանգների չառաջնորդելու, առկա ճգնաժամերը հաղթահարելու, արտագաղթի աղետը կասեցնելու համար հարկ է ամեն հանձնառություն, ամեն զոհաբերություն: Մեր ազգի ու ժողովրդի համար օրհասական փորձություն այս պահին ամուր մնանք հույսով ու հավատով և Տիրոջ կենարար գորությամբ գոտեպինը՝ ուժ առնենք արհավիրքներից հառնելու, երկնառաք օգնականությամբ փարստելու մեզ պարտադրված այս թանձր խափարը և լուսավորելու մեր կյանքի նոր հորիզոնները:

Սուրբ Ծննդյան և Աստվածահայտության այս հոգեմորոգ օրը հայցենք, որ Աստծու փրկության շնորհին ապավինած՝ ընթանանք դեպի մեր իղձերի իրականացումը և մեր ար-

դար իրավունքների հաղթանակով պատկանեն: Աղոթենք, որ Սուրբ Ծննդյան ավետաբեր լույսով միշտ լուսավորվի երկնականար մեր ազգային ու հայրենական կյանքի, հավետ պայծառ լինի մեր Սուրբ Եկեղեցին՝ հոգեմոր դասի արդյունավոր ծառայությամբ ու հավատացելուց նվիրյալ ընթացքով, և հայոց աշխարհը պարտրվի մարդացյալ Փրկչի սիրով ու պարգեւած հույսով: Թող Տերը խաղաղություն պարգևի համայն աշխարհին, մարդկանց հոգիներին, Իր խնամքի մեջ խաղաղ ու ապահով պահպանի հայրենի մեր երկիրը՝ Հայաստանն ու Արցախը, և շնորհի բարօր ու շեն կյանք աշխարհափայտը ազգիս հայոց, այսօր և միշտ և հավիտյանս. ամեն:

Քրիստոս ծնաւ և յայտնեցաւ,
Չեզ և մեզ մեծ անեղիս:



Սուրբծննդյան հայրադեսական այցելություններ



Սուրբ Ծննդյան տոնին ընդառաջ՝ դեկտեմբերի 31-ին Ն.Ս.Օ.Տ.Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը կատարեց մի շարք այցելություններ:

Վեհափառ Հայրապետը Կոտայքի թեմի առաջնորդ Առաքել արք. Քարանյանի և Սուշեղ եպս Բաբայանի ուղեկցությամբ եղավ Կոտայքի թեմի ծաղկածորյան ճամբարում, ուր իր գորակցությունն ու օրհնությունը բերեց ճամբարում ապաստան գտած Հաղուրից տեղահանված 45 արցախցիներին:



Նորին Սրբությունը զրուցեց արցախցի ընտանիքների հետ՝ տեղեկանալով ապագայի վերաբերյալ նրանց ծրագրերին, ապա սուրբծննդյան նվերներ բաշխեց տարեցներին և երեխաներին:

Ամանորի և Սուրբ Ծննդյան տոնի առթիվ Ամենայն Հայոց Կաթողիկոսն իր օրհնությունն ու գնահատանքը բերեց նաեւ «Իզմիրլյան» բժշկական կենտրոնում բուժում ստացող վիրավոր զինվորականներին: Կենտրոնի տնօրեն պրոֆեսոր Արմեն Զարչյանի ուղեկցությամբ Վեհափառ Հայրապետն այցելեց բոլոր հիվանդասենյակները՝ իր աղոթքը կատարելով հայրենիքի պաշտպանության սրբազան առաքելության ընթացքում վիրավորված քաջադիրների համար և հետաքրքրվելով նրանց ապաքինման ընթացքով, առկա կարիքներով:



զին: Վեհափառը նաեւ աղոթքով հիշեց նրանց ծառայակից մահատակ եղբայրներին և պատմության մեջ արձանագրված նրանց սխրանքները, որոնց ուժ պիտի տան համայն մեր ժողովրդին՝ կերտելու հայրենիքի նոր լուսավոր օրը:

Ամենայն Հայոց Կաթողիկոսը, սրբապատկերներ ընծայելով զինվորներին, անփորձանք և ապահով ծառայություն մարդեց ամենքին՝ նշելով, որ մեր զինականները մշտապես Հայոց Հայրապետի և հայ եկեղեցականների աղոթքներում են:



Նույն օրն Ամենայն Հայոց Կաթողիկոսը ՀՀ ՉՈՒ հոգեւոր առաջնորդ Վրթանես եպս Աբրահամյանի ուղեկցությամբ այցելեց Հայաստանի հարավային ուղղությամբ տեղակայված Ռ զորամասի մարտական դիրքեր:

Հայոց Հայրապետն իր օրհնությունն ու բարեմաղթանքները բերեց սահմանապահ զինվորականներին՝ մեծապես արժեւորելով հայ զինվորի ու հրամանատարի անձնվեր ու անմնացորդ ծառայությունը հայրենիքին: Ջերմ զրույցի ընթացքում Վեհափառն ընդգծեց, որ Հայոց բանակը եղել է մնում է հիմնական երաշխավորը անկախ պետականության պահպանության և հայրենաբնակ մեր ժողովրդի պաշտպանության:

Նորին Սրբությունը հաստատեց, որ արցախյան պատերազմում հայրենյաց պաշտպանների դրսեւորած արի ոգին, մախանձախնդրությունը, անձնագոհ և եղբայրասեր կերպարը միայն հպարտության զգացումով են լցնում իր հո-

Սուրբ Ծննդյան եւ Աստվածահայտնության տոնի ճրագալույցի Պատարագը Ս. Գայանէ վանքում

Նունվարի 5-ին մեր Տեր եւ Փրկիչ Հիսուս Քրիստոսի Սուրբ Ծննդյան եւ Աստվածահայտնության տոնի առիթով, հանդիսապետությամբ Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, Ս. Գայանէ վանքում մատուցվեց ճրագալույցի Պատարագ, որին մասնակցում էին Մայր Աթոռի միաբանները, Մայր Աթոռի բարերարները եւ ուխտավոր բազում հայորդիներ:

Պատարագիցն էր Մայր Աթոռ Ս. Էջմիածնի վարչատնտեսական բաժնի տնօրեն Սուշեղ եպս Բաբայանը: Մինչ սրբազան պատարագը կատարվեց երեկոյան ժամերգություն, ընթերցվեցին սուրբգրային տարբեր հատվածներ, այնուհետև Մայր Աթոռի չորս միաբան սարկավագներ ընթերցեցին Դանիելի մարգարեությունը:

Ս. Պատարագի ընթացքում Սուշեղ սրբազանն իր քարոզում անդրադարձ կատարեց Քրիստոսի Սուրբ Ծննդյան խորհրդին՝ նշելով, որ ամենքը կրկին իրենց քայլերն ուղղել են եկեղեցիներ՝ զորանալու եւ խաղաղվելու փափագով, որ բոլորը 2021 թվականի առաջին օրերին մեկտեղվել են աղոթքով միանալու եւ ապրող, կենդանի ու զինվորյալ եկեղեցի լինելու կենսունակությունը պատարագյալ Հիսուսով սնելու:

«խաղաղությունն է միացնում մեզ: խաղաղության փնտրողներով է ազգը հայոց փարվել Քրիստոսին, ընդունել Նրա իշխանությունը եւ ապավինել Նրա անսահման խաղաղությանը: խաղաղաբեր այդ հզոր իշխանի շուրջն ենք հա-



րաբանչյուր զավակի դեմքին ուրախությունը կիսատ է, ժպիտը՝ ցավով լեցուն: Կարծես դատարկվել է մարդը՝ զրկվել ինքնության արժեքա-մակարգից եւ պարզապես ապրում է օրը՝ ֆիզիկական գոյությամբ:

...Հայրենագրկության եւ պարտության իրականությունն է յուրաքանչյուրիս աչքի առաջ, որ համդարտություն չի տալիս ո՛չ մտքին, ո՛չ սրտին, ո՛չ հոգուն եւ ո՛չ էլ մարմնին: Կորստի անսահման զգացողություն եւ սպասումի անհաղթահարելի դող հայրերի, մայրերի, քույրերի, կանանց եւ զավակների դեմքին:

Սիրելի՛ հավատացյալներ, ծննդյան ավետիսի ժամանակ իրեշտակապետը Մարիամին բացահայտեց նաեւ այն ամենը, ինչ լինելու էր նրա զավակին. չարչարանք, տառապանք, խաչ եւ մահ: Աստվածամայրը, քաջ իմանալով,



մախմբվել միշտ՝ զորանալու Նրանով եւ հույսով լցվելու: Եվ այս պահին, սիրելի՛ հավատացյալներ, այդ հզոր իշխանի ծննդյան ավետիսն է, որ իրեշտակների կողմից փողահարվում է ի լուր աշխարհի. «Քրիստոս ծնաւ եւ յայտնեցավ, Ձեզ եւ մեզ մեծ աւետիս»:

Սուրբ Ծննդյան եւ Աստվածահայտնության այս օրը Հայաստանի, Արցախի եւ աշխարհասփյուռ մեր եկեղեցիներում համախումբ աղոթք ենք բարձրացնում առ Աստված եւ ուրախությամբ փառաբանում Տեր եւ Փրկիչ Հիսուս Քրիստոսի հրաշալի ծնունդը: Այո, հրաշալի, որովհետեւ ամեն մարդ ծնունդ բարի է եւ հրաշալի:

Սիրելիներ, արդեն ամիսներ է, ինչ մեր ազգը չի ուրախանում, երբ մեր ազգի գրեթե յու-

սակայն այդ «բոլոր ասվածները պահում էր իր մեջ եւ իր սրտում խորհում» (Ղուկ. Բ 19):

Դուք, հայուհիներ, որ Աստվածամորն ունեք ձեզ օրինակ եւ հայ ընտանիքի տիպարը Հովսեփ արդարի եւ Մարիամ Աստվածածնի խոնարհ ընտանիքն է, դուք, հայ մայրեր, երբ արու զավակ եք լույս աշխարհի բերում, արդեն իսկ ձեր սրտում գիտեք, որ մի օր կանգնելու են մեր հայրենիքի պաշտպանության համար: Եվ գիտեք նաեւ, որ այդ սուրբ գործը երբեմն պսակվում է նահատակությամբ:

Այսօր, երբ մեր հայրենիքը եւ մեր ժողովուրդը թշնամիներով է շրջապատված, երբ իր անկայուն խաղաղությունը պահում է իր որդիների արյան գնով, երբ պայքարում են մաքառում է

իր իրավունքների համար առավել, քան երբեք, ուժեղ պետք է լինենք, համախումբ, միաբան եւ սիրով պետք է հավատամք վաղվա լուսավոր օրվան, պետք է չկորցնենք մեր հավատն Աստծու արդարության եւ ողորմածության հանդեպ: Աստված այնքան սիրեց աշխարհը, որ մինչեւ իսկ իր Սիածին Որդուն տվեց մեր փրկության համար: Այս խոսքերը բազմիցս արտասանվել են այս խորանից, սրանք աստվածային անհուն սիրտ ամենավառ խոսքերն են թերեւս: Մեր Փրկչի ծնունդով եւ աշխարհի զավակ մարդկության հանդեպ աստվածային սիրտ, մեծագույն սիրտ խորհուրդն ենք տեսնում: Աստծու հանդեպ եւ միմյանց հանդեպ անհուն սիրով պիտի հաղթահարենք դժվարությունները, զրկանքները եւ մեղությունները, որով ամենուն է մեր հավատավոր ժողովուրդը»,-

ասաց սրբազան հայրը՝ հավելելով, որ Քրիստոսի ծնունդն այն միակ հույսն է, որով պիտի փրկվենք եւ պիտի մորից կյանք առնենք այս հուսալքված, բարոյազրկված, ընկճված, ապագայի հանդեպ մեր հույսը կորցրած օրերում:

Սուշեղ եպիսկոպոսը նշեց նաեւ, որ Հիսուս Քրիստոսի ծնունդով աշխարհը փոխվեց, Հիսուս մուտք գործեց աշխարհ, որպեսզի մարդիկ փրկության շնորհին արժանանան եւ ժառանգեն երկնքի արքայությունը:

«Առավել եւս հիմա մենք պիտի հավատամք եւ պիտի գրկաբաց ու սրտաբաց ընդունենք մանուկ Քրիստոսին մեր մեջ, որպեսզի փրկության հույս ունենանք, եւ այդ հույսով պիտի փոխվի այս ծանր վիճակը, եւ պիտի փրկվի մեր հայրենիքը:

Այո, վատահաբար պիտի հավատամք, որ մեր Տիրոջ ծնունդով այլեւս փոխվելու են մեր սրտերը, մեր հոգիները, մեր կյանքը եւ մեր ապագան: Աղոթակից լինենք Նարեկացուն՝ կրկնելով. «... երբ ողորմությանդ փառքի անսովեր ճաճանջները ծագեն, կհալչեն մեղքերը, կխորտակվեն կապանքները... կկենդանանան մեղալները, կբուժվեն զարկվածները, եւ վերքերը կառողջանան: Տեղի կտան տխրությունները, կնահանջեն հեծությունները... կքջանան չարիքները, հուսահատությունները կհալածվեն, եւ կթագավորի ձեռն Քո ամենակարող քալիչը բոլորի»:

Սիրելիներ, հենց այս աստվածային անհուն ողորմությանը պիտի ձգտենք արժանանալ մեր աստվածահաճո եւ խոնարհ կյանքով, հավատքով ու աղոթքներով»,- ընդգծեց պատարագից սրբազանը՝ իրորորելով ամենքին ամուր պահել հավատը եւ սիրել, սիրել հայրենիքը առավել, քան երբեք, առավել անպայմանական, քան երբեք, առավել ուժեղ, քան երբեք, սիրել եկեղեցին, սիրել մերձավորներին, այդ սիրով, ոգով ու հավատով օգուտ բերել հայրենի երկրին, աղոթել հայրենիքի սահմանների անսասանության համար, աղոթել իրենց կյանքը հայրենիքի համար զոհած հերոս եղբայրների հոգիների հանգստության համար, գերության մեջ գտնվող եւ անհայտ կորած իրենց եղբայրների, որդեկորույս մայրերի՝ Սուրբ Հոգով մխիթարության եւ վերականգնող շուտափույթ բժշկության համար:

Վերջում Սուշեղ սրբազանը կոչ արեց հավա-



տավոր ժողովուրդին սուրբննդյան հրաշափառ ավետիսով զորացած ուխտել եւ խոստանալ, որ հաղթահարելու են ցավը հավատքով, ապրելու են ամեն մի օրը հույսով եւ էլ ավելի շատ են լցվելու սիրով, որպեսզի հաղթեն սիրով, քանզի Քրիստոս ծնվեց եւ հայտնվեց:

Նախատոնակի արարողության ընթացքում Ամենայն Հայոց Հայրապետը բարձրացավ ս. խորան եւ վառեց կենսատու մոմը, որից Հիսուս Քրիստոսին խորհրդանշող լույսը բաշխվեց հավատացյալներին:

Այնուհետեւ Մայր Աթոռի միաբանությունը մեկտեղվեց Վեհարանում, ուր, մախագահությամբ Վեհափառ Հայրապետի, կատարվեց տարվա առաջին Տնօրինքը:

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի խոսքը գերեվարվածների եւ անհայտ կորածների համար աղոթքի արարողության ընթացքում

«Հետպատերազմյան այս ծանր օրերին լինենք միաբան ու քաջ, ամուր մնանք հավատի ու հույսի մեջ».

Գարեգին Բ Կաթողիկոս

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի տնօրինությամբ հունվարի 10-ին բոլոր եկեղեցիներում սուրբ Պատարագի ավարտին կատարվեց մասնավոր աղոթք՝ արցախյան պատերազմի ընթացքում գերեվարվածների ու անհայտ կորածների եւ նրանց տունդարձի համար:

Մայր Աթոռ Սուրբ Էջմիածնի միաբանությունը, Ամենայն Հայոց Կաթողիկոսի գլխավորությամբ, Պատարագի սրբազան արարողությանը մասնակցեց Ս. Գայանէ վանքում: Պատարագի վերջում, մախագահությամբ Վեհափառ Հայրապետի, կատարվեց մասնավոր աղոթք, որից հետո Ամենայն Հայոց Կաթողիկոսն իր խոսքն ուղղեց ներկա հավատավոր ժողովուրդին:



«Հույսը երբեք չի ամաչեցնում, որովհետեւ Աստծու սերը սփռված է մեր սրտերում Սուրբ Հոգու միջոցով, որ տրվեց մեզ»

(Հռոմ. Ե 5):

Սիրելի՛ հավատավոր հայորդիներ, Այսօր համախմբվել ենք մեր սուրբ եկեղեցիներում՝ աղոթք բարձրացնելու առ Աստված՝ արցախյան պատերազմի ընթացքում գերեվարված եւ անհայտ կորած մեր քաջորդիների համար:

Մեր զինվորների հայրերի ու մայրերի, կանանց ու երեխաների հետ բոլորս մեր սրտերում փայփայում ենք մեր զավակների տուն վերադարձի հույսը: Մեր հույսը պարզ մի զգացում, ցանկություն կամ լավատեսություն չէ, այլ Աստծու հավատարիմ սիրտ վրա հիմնված վստահություն: Այն երբեք չի ամաչեցնում, ինչպես ասում է առաքյալը, քանզի Աստված Սուրբ Հոգու միջոցով իր սերը սփռել է մեր սրտերում: Այդ հույսն է, որ մեզ զորացնում է ջերմեռանդ աղոթելու եւ անվիատ հետամուտ լինելու գերյալ մեր զավակների շուտափույթ ազատությանը, անհայտ կորածների հայտնաբերմանը:

Շարունակությունը՝ էջ 4

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի խոսքը գերեզմարվածների եւ անհայտ կորածների համար աղոթքի արարողության ընթացքում

Սկիզբը՝ էջ 3

Արցախյան հակամարտությունը, ցավալիորեն, հնարավոր չեղավ կարգավորել բանակցային խաղաղ գործընթացով: Աղբյուրական իշխանությունները ռազմատենչ ոգով հակված էին խնդիրը լուծելու ռազմական ճանապարհով, ինչը եւ տեղի ունեցավ: Պատերազմը խաթարեց տարածաշրջանի խաղաղությունը ու անվտանգությունը՝ պատճառելով մեր ժողովրդին մարդկային եւ տարածքային ծանր կորուստներ եւ անհուն վիշտ ու ցավ: Նույն վարքագիծը աղբյուրական իշխանությունները շարունակում են նաեւ այսօր՝ տարածքային նկրտումների հետ մեկտեղ շահարկելով ռազմագերիների վերադարձման, անհայտ կորածների որոնման եւ զոհվածների մարմինների արտահանման խնդիրը:

Գերության մեջ հայտնված մեր զավակները անմարդկային վերաբերմունքի են ենթարկվում, ոտնահարվում են գերյալներին վերաբերող միջազգային մարդասիրական իրավունքի նորմերը: Անտեսվում են նաեւ մարդկային կյանքը, արժանապատվությունը եւ իրավունքները արժեւորող երկրների եւ միջազգային իրավապաշտպան կազմակերպությունների դիմումներն ու հորդորները: Մեր կոչն ու ակնկարությունն է, որ արցախյան հիմնախնդրի խաղաղ կարգավորմանն ի նպաստ Մոսկվայի եւ Համայն Ռուսիո Կիրիլ Պատրիարքի եւ Կովկասի մուսուլմանների վարչության նախագահ շեյխ ուլ իսլամ Ալ-խաշիբյուր Փաշազադեի հետ Մեր եռակողմ հանդիպումների ոգուն համաձայն՝ Աղբյուրականի հոգեւոր առաջնորդը անհրաժեշտ նպաստ բերի գերիների ազատության եւ զոհված ու կորուստյալ զինվորներին առնչված մարդասիրական գործողություններին:

Պատերազմի դադարեցման, խաղաղարար ու մարդասիրական գործունեության մեջ ներդրած անձնական ջանքերի հա-

մար Մեր երախտագիտությունն ենք հայտնում Ռուսաստանի Դաշնության նախագահ տիար Վլադիմիր Պուտինին: Շնորհակալ զգացումներով եղբայրական Մեր սերն ենք հղում Մոսկվայի եւ Համայն Ռուսիո Պատրիարքին՝ այս դժվարին օրերին մեր ժողովրդին եւ եկեղեցուն ցուցաբերած գորակցության համար: Մեր գնահատանքն ենք ցանկանում արտահայտել նաեւ Արցախում տեղակայված խաղաղապահ ուժերին եւ բոլոր կազմակերպություններին ու անձանց, որոնք շարունակական միջոցներ են ձեռնարկում իրավիճակի եւ առկա խնդիրների արդար հանգուցալուծման համար: Միայն արդարության հիմքի վրա է խաղաղությունը հաստատուն մնում, ինչպես եւ վկայում է Սուրբ Գրքը. «Ողորմությունն ու ճշմարտությունը պիտի հանդիպեն, արդարությունն ու խաղաղությունը պիտի համբուրվեն» (Սաղմ. 27 11):

Միրելի հավատավոր զավակներ, հետպատերազմյան այս ծանր օրերին լինե՞նք միաբան ու քաջ, ամուր մնանք հավատի ու հույսի մեջ՝ մեզ պատուհասած պատերազմի արհավիրքները հաղթահարելու, դժվարություններին դիմակայելու եւ հայրենիքի լուսավոր օրը կերտելու համար: Մեր հորդորն է նաեւ մեր Սուրբ Եկեղեցու սպասավորներին՝ նույն տեսակետով եւ եռանդով շարունակել հովվական խնամք եւ կարելի աջակցություն ցուցաբերել պատերազմից տուժածներին եւ Աստծու խոսքով, Ավետարանի հույսի ու հավատի պատգամներով մխիթարելու գերության մեջ գտնվողների ու անհայտ կորածների ընտանիքներին:

Այս պահին, սիրելիներ, սրտաբուխ աղոթքը մեր շուրթերին, երկնավոր Տիրոջից խնդրե՞նք Ամենասուրբ Երրորդության օրհնությունն ու օգնականությունը մեր հայրենիքի եւ աշխարհասփյուռ մեր



ժողովրդի կյանքին՝ հայցով, որ երկնային շնորհները, սերն ու խաղաղությունը լինեն մեզ եւ ամենքի հետ: Հավատավոր Մեր զավակներին աղոթակցությամբ Մեր հայցն ենք բարձրացնում առ մարդասեր Փրկիչ Տերը՝ գերյալների, անհայտ կորածների, վիրավորների եւ նրանց ընտանիքների համար:

Ամենագութ եւ ամենողորմ Աստված, որ Միածին Որդուդ առաքեցիր՝ սրտով բեկյալներին բժշկելու եւ գերիներին ազատություն բարոգելու, աղաչում ենք Քեզ, աստվածային Քո գթառատությամբ ողորմիր մեր գերիներին, որ ապահով եւ անվտանգ տուն վերադառնան:

Քո խաղաղության հրեշտակին ուղարկիր՝ հորացնելու բոլոր հայրերին ու մայրերին, հարազատներին, կանանց ու երեխաներին, որոնք սրտի թրթռով սպասում են գերվարված կամ անհայտ կորած զինվորների վերադարձին, եւ նրանց պարգևելու ուրախությունը տեսնելու իրենց սիրելիներին:

Չորացրու, Տեր, բոլոր անձանց, որոնք

եռանդուն ջանքեր են ներդնում գերիներին ազատելու, անհայտ կորածներին գտնելու եւ զոհված մեր նահատակների անթաղ մամիները հայտնաբերելու եւ ընտանիքներին հանձնելու համար:

Արդ, բարերար եւ բազումողորմ Աստված, ունկնդիր եղիր Քեզ հուսացող Քո ժողովրդի ծնրադիր աղոթքներին ու խնդրանքներին, օգնական ու ապավեն եղիր նրանց եւ պարգևիր քաջություն ու ոգու արիություն դժվարությունների ու նեղությունների մեջ, լցրու նրանց սրտերը բարի ու լուսավոր օրվա հույսով ու հավատով:

Ի խորոց սրտի աղոթում ենք եւ հավատում, ամենակալ Տեր Աստված, որ ազատություն պիտի պարգևես մեր գերյալ զավակներին, որոնց վերադարձին անհամբեր սպասում ենք բոլորս, որպեսզի միասին՝ նրանց հետ գոհությամբ փառավորենք Ամենասուրբ Երրորդությանդ՝ Դորը, Որդուն եւ Սուրբ Հոգուն, այժմ եւ միշտ եւ հավիտյանս հավիտենից. ամեն:

Այցելություններ «Եռաբլուր» Պանթեոն



Հունվարի 1-ին, ինչպես նաեւ հունվարի 7-ին Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսը, եպիսկոպոսաց դասի ուղեկցությամբ, այցելեց «Եռաբլուր» զինվորական պանթեոն: Ծաղկեպսակների զետեղումից հետո Վեհափառ Հայրապետը եւ եպիսկոպոսները աղոթք բարձրացրին առ Աստված՝ նահատակ քաջորդիների հոգիների հանգստության եւ խաղաղության համար, որից հետո այցելեցին նաեւ մեր հերոս զավակների շիրիմներին: Հունվարի 7-ի այցի ժամանակ կատարվեց նաեւ հոգեհանգստյան կարգ:



Հայրադեսական սրբատառ կոնդակով հիմնվեց Մասյացոսնի թեմը

Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի օրհնությամբ եւ հայրապետական սրբատառ կոնդակով հունվարի 11-ին Հայաստանում՝ Արարատի մարզում, հիմնվեց Մասյացոսնի թեմը:

Նորաստեղծ թեմի առաջնորդի պաշտոնում ծառայության է կոչվել Գեւորգ եպս Սարոյանը: Հայրապետական կոնդակում մասնավորապես ասվում է.

«ՔՐԻՍՏՈՆՍՏԱՆԴ ՍԻՐՈՅ ՈՂՋՈՅՆ ԵՒ ՕՐՀՆՈՒԹԻՒՆ ՀԱՅՐԱԴԵՏԱԿԱՆ ՄԵԾԻ ՏԱՆՆ ԿԻԼԻԿԻՈՅ ԿԱԹՈՂԻԿՈՒԹԵԱՆ, ՊԱՏՐԻԱՐԽՈՒԹԵԱՆՑ ՀԱՅՈՑ ՍՐԲՈՅ ԵՐՈՒՄԱՐԻՍԱՆ ԵՒ ԿՈՍՏԱՆԴՆՈՒՊՈԼԻՍՈՅ, ԱՐՔԵՊԻՍԿՈՒՊՈՍՏՆԵՐ, ԵՊԻՍԿՈՊՈՍԱՆ, ՎԱՐԴԱՊԵՏԱՆ, ՔԱՅԱՆԱՅԻՑ ԵՒ ՍԱՐԿԱՒԱԳԱՆ, ԹԵՄԱԿԱՆ ԵՐԵՍՓՈԽԱՆԱԿԱՆ ԺՈՂՈՎՈՑ, ԹԵՄԱԿԱՆ ԵՒ ՀԱՄԱՅՆՔԱՅԻՆ ԽՈՐՀՐԴՈՑ ԵՒ ՊԵՏՏՈՆԵՑ ԵՒ ՍԻՐԵՑԵԱԼ ՀԱՄԱՅՆ ՀԱՄԱՍՏԵԱԼ ԺՈՂՈՎՐԴԵԱՆ ՀԱՅՈՑ

Մայր Աթոռ Սուրբ Էջմիածնից Հայրապետական Մեր օրհնութիւնն ենք բերում Արարատի մարզի հաւատաւոր Մեր սիրելի զաւակներին:

Գոհութիւն ենք մատուցում Ամենակալն Աստծուն, որ մարզում բարօր ու կազմակերպուած ընթացք ունեն գործող ծովսերը, եկեղեցական հաստատութիւնները, անկախութեան տարիներին կառուցուել են նոր եկեղեցիներ, վերանորոգուել հին աղօթավայրեր՝ ապահովելով հոգեւոր-եկեղեցական կեանքի առաջընթացը: Մեր գնահատանքն ենք բերում Արարատեան Հայրապետական թեմի առաջնորդական փոխանորդ Գերաշնորհ Տ. Նաւասարդ արքեպիսկոպոս Կոնյեանին՝ իր առաջնորդական փոխանորդութեան ընթացքում մարզի հաւատաւոր հայորդիների հոգեւոր խնամքի, եկեղեցականների ծառայութեան արդիւնաւէտ կազմակերպման, այս տարածքում հոգեւոր-եկեղեցական կեանքի բարեզարդման գործում ներդրած ջանքերի համար:

Հաւատաւոր հայորդիների հոգեւոր կարիքների բաւարարման եւ հոգեւոր-եկեղեցական կեանքի զօրացման համար եկեղեցական մեր անդաստանում միշտ վերակազմակերպուել են թեմերը եւ հիմնադրուել նոր թեմեր: Այսօր Հայրապետական այսու կոնդակով Արարատեան Հայրապետական թեմից առանձնացնելով Արարատի մարզը եւ մարզի ծովսերը միաւորելով՝ հաստատում ենք Մասեացոսնի թեմը՝ Արտաշատ

առաջնորդանիստ քաղաքով ու կենտրոնով: Թեմի առաջնորդի պաշտօնում ծառայութեան ենք կոչում Գերաշնորհ Տ. Գեւորգ եպիսկոպոս Սարոյեանին:

Հայրապետական Մեր օրհնութիւնն ենք բերում Մասեացոսն մորաստեղծ թեմի հոգեւոր դասին, եկեղեցական վարչութեանց պատուարժան անդամներին, մաղթում եկեղեցաշէն ու ազգաշահ գործոց ձեռքբերումներ: Վստահ ենք, որ Տիրախնամ թեմի հաւատաւոր Մեր զաւակները նոր քաջակերպութեամբ ու կրողով պիտի զօրակից դառնան թեմակալ առաջնորդին, շարունակեն սատար լինել հոգեւորականաց ծառայութեանը՝ ի խնդիր թեմի շինութեան, հոգեւոր-եկեղեցական կեանքի բարեզարդման:

Աղթում ենք, որ Բարերարն Աստուած միշտ շէն ու բարգաւաճ պահի Առաքելական մեր Սուրբ Եկեղեցին իր թեմական կառոյցներով՝ յարանորոգ յաջողութիւններ շնորհելով մեր ժողովրդի հաւատաւոր զաւակներին: Թող Տիրոջ ամենախնամ Սուրբ Աջի ներքոյ միշտ պայծառ ու անսասան մնայ Հայաստանեայց Առաքելական մեր Սուրբ Եկեղեցին:

«Շնորհք, ողորմութիւն, խաղաղութիւն յԱստուծոյ ի Դօրէ եւ ի Տեառնէ Յիսուսէ Քրիստոսէ ճշմարտութեամբ եւ սիրով եղիցին ընդ ձեզ» (Բ Յովհ. 3)

Օրհնութեամբ՝

ԳԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ Կոնդակս ի 11 Յունուարի
յամի Տեառն 2021 եւ ի թուին հայոց ՌՆՀ
ի Մայրավանս Սրբոյ Էջմիածնի
ընդ համարաւ 1113»:

Լրատվական նյութերը՝ Մայր Աթոռ Ս. Էջմիածնի տեղեկատվական համակարգի

1920 թվականի հայ-թուրքական պատերազմի դասերն ու այսօրվա իրականությունը...

Ըր պատմության տխուր եւ ողբերգական էջերից մեկը 1920 թվականի հայ-թուրքական պատերազմն է, որի արդյունքներով գեազրվեց չափազանց անբարենպաստ մի իրավիճակ, որում հայտնվել է հայությունը արդեն հարյուր տարի:

1920 թ. սեպտեմբերի 23-ին քեմալական Թուրքիան հարձակվեց Հայաստանի հանրապետության վրա: Թուրքերը նպատակադրվել էին ոչ միայն գրավել Արեւելյան Հայաստանը, այլեւ բնաջնջել դեռեւս ողջ մնացած արեւելահայության մնացյալ հատվածին, ինչը չէին կարողացել անել 1918 թվականի ընթացքում: Թեւեւ, Մուղղոսի համաձայնագրով, Թուրքիան պարտված կողմ էր Առաջին համաշխարհային պատերազմում, սակայն նրա զավթողական ու թալանչիական պլաններն ու եւթյունը չէին փոխվել: Թուրքական մեծ ու փոքր մասշտաբի առաջնորդներն այդ օրերին էլ կրկնում էին, որ իրենց նպատակն է վերամիավորվել հին հայրենիքի՝ Թուրանի հետ, եւ դրա համար կարելու էին համարում, որ իրենց հին ու նոր հայրենիքներն իրար միացնող ճանապարհն ուրիշներին տիրապետության տակ չլինի:

Քեմալականները եւս ժառանգել ու որդեգրել էին հայ ժողովրդի հանդեպ զավթողական ու բնաջնջ մուսլ քաղաքականությունը, ինչ սուլթան Համիդն ու երիտթուրքերն էին գործադրում: Երկու տարի քեմալականները գաղտնի կերպով, սակայն խնամքով ու հետեւողականորեն նախապատրաստում էին իրենց հարձակումը Հայաստանի վրա: Բազմաթիվ ու բազմաբնույթ փաստեր վկայում են վերոնշյալ իրողությունը: Այսպես՝ դեռեւս 1920 թ. գարնանը, երբ խորհրդային կարմիր բանակը գտնվում էր Դաղստանում, այնտեղ էր նաեւ թուրքական զինյալ ուժերի հրամանատար, հայտնի հայատյաց խալիլ փաշան, որը դիմում է 11-րդ կարմիր բանակի հրամանատարությանը՝ թուրքական ու խորհրդային համատեղ ուժերով օկուպացնել Հայաստանը: Բոլշեւիկյան ակամավոր գործիչ Սերգեյ Կիրովի (որն այդ ժամանակ վերոնշյալ բանակի ղեկավարության կազմում էր) վկայակոչմամբ՝ սույն առաջարկը մերժվում է:

Թուրքական հաջորդ նպատակադրված արշավանքը պետք է տեղի ունենար 1920 թ. ամռանը, սակայն այս անգամ էլ այն հետաձգվում է Ռուսաստանի միջամտությամբ:

Այնուամենայնիվ, 1920 թ. աշնանը թուրքերը հարմար պահ ու առիթ գտան Հայաստանի վրա հարձակվելու: Թուրքերը լավ էին նախապատրաստվել այս պատերազմին եւ ունեին նաեւ քանակական գերակշռություն: Թուրքական 60 հազարանոց տեղը-տեղին սպառազինված բանակի դեմ կանգնած էր 30 հազարանոց հայոց զինուժը: Բացի դա՝ Հայաստանի հանրապետությունն անկումային վիճակում էր՝ տնտեսական, ֆինանսական եւ բարոյափոխական առումներով: Թուրքական զորքի հարձակմանը զուգընթաց ծավալվում էին ներքին խմորումներ եւ խլրտումներ Հայաստանի մահմեդականներով լցված շրջաններում: Հայկական բանակի ունեցած անհաջողությունների եւ պարտությունների պատճառները պայմանավորված էին նաեւ սպայական կազմի եւ շարքայինների միջեւ գաղափարական միասնության բացակայությամբ, սպայության եւ խմբապետների միջեւ եղած հակասությամբ: Հայ զինվորներին բարոյալքման էին մղում թուրքական ու բոլշեւիկյան կողմերի ցուցաբերած գաղափարական դիվերսիան, ինչպես նաեւ երկրում ձեւավորված ընդհանուր հուսահատական տրամադրությունները: Նույնիսկ խորհրդային գաղափարախոսներն են ընդունել, որ Հայաստանի՝ այդ ժամանակվա բոլշեւիկյան կազմակերպությունների ղեկավարները, անկարող լինելով ճշմարտացիորեն հասկանալու քեմալականների քաղաքական խարդավանքներն ու անբեկանելի հայատյացությունը, քեմալական շարժումը «ազատագրական համարելով, սկսեցին նրանց պրոպագանդել որպես բոլշեւիկների դաշնակիցներ(ի), սովետական իշխանության կողմնակիցներ(ի) (հավելումները. – Ա. Կ.-ի)» (Ս. Խ. Կարապետյան, 1920 թվականի հայ-թուրքական պատերազմը եւ Սովետական Ռուսաստանը, Ե., 1965 թ., էջ 32): Վերոհիշյալ սխալ ու անմիտ տեսակետի կողմնակիցն էր նաեւ Ալեքսանդրապոլի (Գյումրի) բոլշեւիկյան պարբերականը՝ «Կոմունիստ» թերթը, որը 1920 թ. նոյեմբերին քեմալականների զավթողական հայաջինջ պատերազմը բնութագրեց որպես դաշնակցական ռեժիմի դեմ ուղղված քաղաքացիական պատերազմ, որը «...ճնշված հայ ժողովրդի դեմ բաց է անում մի նոր դարաշրջան: Ահա թե ինչու բանակայինները հերոսաբար չկռվեցին թուրքական բանակի դեմ, իսկ Ալեքսանդրապոլի կոմունիստ ղեկավարները, նոյեմբերի 5-ին դուրս գալով բանտից, ստեղծեցին ռեկոմ եւ որոշեցին գործակցել քեմալականների հետ» (Մույմ տեղում): Հենց այդպիսի աններելիորեն սխալ քարոզչության արդյունքում էր, որ որոշ վայրերում հայ գյուղացիները աղ ու հացով էին դիմավորում «ազատարար» եւ «հեղափոխական» հռչակված անկարների:

Իհարկե, շատ շուտով այդ կեղծիքը մերկացվեց, եւ բոլորը տեսան եւ հասկացան, որ «հեղափոխական» պիտակի ներքո հայտավորված թուրքը մույն՝ ցեղասպան, հայասպան բարբարոսն է, մույն՝ միջնադարյան վանդալն ու ելուզակը: Ավազակների ու բարբարոսների հորդանների անխիղճ ու արյունարբու գործողությունների ներքո կրկին ավերվում էր հայոց երկիրը, սպանվում էին անմեղ ու անզեն բնակիչները:

Շարունակությունը՝ էջ 6

ՌԱՓԱՅԷԼ ՊԱՏԿԱՆՑԱՆ (1830–1892)

Սկիզբը՝ 2020-ի թիվ 18–24

ՊՈՆՆԵՐ

Գաղափարական ու գեղագիտական ինչ նպատակ էր հետապնդում երիտասարդ Պատկանյանը՝ անտիկ ժամանակների այս հերոսին կերպավորելով: Նրան գրավել է հերոսականությունը, հանուն ազատության մաքառելու, թեկուզ օտար երկրում արդարության համար նահատակվելու պատրաստականությունը, որի կրողն է Ջարմարը: Գրողի ժամանակների հայ երիտասարդը մեր նախնի Ջարմարի նահապետին աչքի առաջ պետք է ունենար եւ պատրաստ լիներ իր հայրենիքի թշնամիների դեմ նրա օրինակով մաքառելու:

Երկրորդը՝ «Պանդուխտ հայ ի Փարեզ» երկը, որն ընդամենը 149 տող է, պարզապես հեղինակի խորհրդածությունն է «Ի գերեզմանի Լեւոն Վերջին թագավորի հայոց»: Երիտասարդ Պատկանյանը պոեմում իրագործել է հետաքրքիր մտահղացում. նա երեւակայությամբ Փարիզ է հասել ոչ թե զբոսանքի ու վայելքի նպատակով, այլ Պանթեոնում գտնելու Կիլիկիայի 1393 թ. վախճանված վերջին ապաքալիտ արքայի՝ Լեւոն VI Լուսինյանի գերեզմանը եւ պահապան դառնալու նրա մասունքներին: Լեւոն VI-ն ընկալվում է որպես հայոց անցյալի փառավոր արքաների շարունակություն եւ կործանված պետականության խորհրդանիշ, որին հեղինակը հաղորդում է իր արդիական մտորումներն ու ստանում հետաքրքիր արձագանք: Ինչն է համարում հեղինակը Լեւոն արքայի գլխավոր մեծագործությունը.

*Իմ սիրելի ժողովրդյան թշնամին,
Որ միշտ կամեր գայլի նման պատառել,
Ես շատ անգամ իմ տուներով ահագին
Ստիպեցի մեր աշխարհին ելանել (2, 13):*

«Քաջ Վարդան Մամիկոնյանի մահը»: «Ժողովրդյան թշնամուն մեր աշխարհեն» վեռնելու գաղափարն ավելի որոշակի մարմնավորված է այս պոեմում, որը լավագույնն է Պատկանյանի այս ժանրի գործերից: Այն գրվել է Եղիշեի, Փարպեցու մատյանների, Ալիշանի «Բլբուկն Ավարայրի» պոեմից ստացած անմիջական ներշնչանքով: Սրբադասված հերոս Վարդան Մամիկոնյանի նահատակության չափածո գեղարվեստական պատմությունն ու նրա պատգամախոսությունն է՝ ուղղված հայ նոր սերունդներին:

Չափածո այս երկի ժանրատեսակը հեղինակը մույնպես վիպասանություն է անվանել: Սա ավելի հասուն գրչի ու գեղարվեստական մտքի արգասիք է: «Բարեկամական մկեր Մկրտիչ Սանասարյանին» ընծայագրով այն մկիրված է ազգային մեծ բարերարին, որի միջոցներով իրմնվել էին Վանի Սանդուխտյան-Մարիամյան իգական դպրոցը, Կարինի Սանասարյան վարժարանը, բազմաթիվ այլ հայ դպրոցներ Ռուսաստանում եւ այլուր, որոնց կտակել է իր ամբողջ հարստությունը:

Սա քնարապատմողական պոեմ է՝ բաղկացած նախերգանքից ու վերջաբանից եւ Լուսին պատմությունը ներկայացնող 15 հատվածներից: Անշուշտ քնարական են Լուսինն ուղղված՝ հեղինակի դիմումը եւ վերջաբանը, որով հեղինակն ամփոփում է Վարդանի սխրանքի մասին Լուսինի պատմությունը եւ սերունդներին հղում իր պատգամախոսությունը:

Ղ. Ալիշանի նման՝ Պատկանյանը եւս իր պոեմի նախերգանքում դիմաճանաչությամբ դիմում է անձնավորված Լուսինին, հարցնում նրա տխրության պատճառը: Գոհ է Լուսինը բանաստեղծի՝ «մուսային պարկեշտ որդեգրի» այդ հարցումից, որովհետեւ դարերի ընթացքում միայն նա է ամենատես Լուսինի տխրությանը հետաքրքրվողը.

*Շատ դար եմ պահել մայրագութ խնամով
Օտարի գաղտնիս սրտիս մեջ, բայց հով
Մի օր բարձրացուց աչքերը երկին
Ու կարեկցաբար հարցուց – «հով Լուսին,
Ինչո՞ւ ես տըխուր, գունաթափ դիմոք,
Ինչ գավ է սըրտումդ, ինչ գավ, ինչ մորմոք»: –
Գոհ եմ, գոհ քեզմից, պարկեշտ բանաստեղծ,
Ինձ ըստիկեցին քու խոսքերն անկեղծ...» (2, 18):*

Սրա պատասխանը 3-րդ դրվագով սկսվող «Լուսինի պատմությունն» է, որով Պատկանյանը Նահապետի «Հայոց աշխարհիկ» երգի օրինակով ներկայացրել է երբեմնի ծաղկուն Հայաստանի սքանչելիքները, նրա ավերումն ու անշքացումը, պարսից եւ հայոց մեծ զորաշարժը դեպի Տղմուտ գետի ափ, Ավարայրի ճակատամարտն ու Վարդան Մամիկոնյանի սխրագործությունը: Ալիշանի հետ



գրական ազգակցության հավաստումներից մեկը կարելի է համարել այդ դրվագի սկզբում Նահապետից վերցված բնաբանը՝

*Ի հոն եմ ծնել մեր հարքն առաջին,
Որ հետ Ադամա զնստված պաշտեցին:*

Հի կարելի ասել, թե Լուսինի պատմումը զուտ էպիկական է, իսկ նախերգանքն ու վերջերգը՝ զուտ քնարական, որովհետեւ այս երկը մի ամբողջական վիպասք է, որի միջնամասում էլ ակնհայտ են պատմին միախլուված հեղինակային վերաբերմունքի ուղղակի դրսևորումներ եւ քնարական երանգ ունեցող այլ միջամտություններ ու արտահայտություններ: Այսինքն՝ չեզոք, անկողմնակալ պատում, ինչպես սովորաբար էպիկական երկերում է լինում, ըստ էության, չկա: Նրա մեջ Վարդանանց պատերազմի՝ քնարականին միաձուլ էպիկական ասքի հետ միավորված են զինվորների եւ Վարդանի երգերը, որոնք բացահայտ քնարական բնույթ ունեն:

Ի դեպ, Պատկանյանը Եղիշեին ու Վարդան Մամիկոնյանին անդրադարձել է տարբեր տարիներին գրած ստեղծագործություններում, որոնց մեջ հպանցիկ է արժեւորել Վարդանի սխրանքը: 1872 թ. գրված «Եղիշե» բանաստեղծության գերխմբիորը, օրինակ, ոչ այնքան Վարդանանց սխրանքի մեծարումն է, որքան «Ավարայրի սոխակ» հռչակված Եղիշե պատմիչի հեղինակության եւ նրա «ոսկեշունչ գրքույկի» պատմական դերի արժեւորումն ու փառաբանությունը եւ հաճախակի ընթերցման անհրաժեշտության ընդգծումը.

*Հայ պատանի, շուտ-շուտ կարդա՛
Այս գրքույկը ոսկետառ,
Որ համոզվիս, թե մեր հայը
Կորչելու ազգ չէ իսպառ (1, 102–103):*

Այս երկում, սակայն, հեղինակի հիմնախնդիրը Վարդանանց պատերազմի ու Վարդանի սխրանքի արժեւորումն է, Վարդան Մամիկոնյանի պատմական անձնավորության գեղարվեստական կերպարի կերտումն ու նրա սխրանքը նոր սերունդներին առավել ամբողջական ներկայացնելը:

Դարերի մշուշից Պատկանյանը սահմանազատում, պայծառացնում եւ նոր ժամանակների առջեւ է դնում պատմական իրական եւ Եկեղեցու կողմից սրբադասված հերոսի հիմքի վրա ստեղծված գրական կերպարը, որը, որպես հայոց ոգու եւ կենսական ուժերի խտացում, ստույգ գիտակցում է, թե որոնք են մեր ազգային դժբախտությունների պատճառները եւ հանուն ինչ սրբազան նպատակի է զոհաբերում իր կյանքը: Վարդանը՝ որպես պատմական անձնավորություն ու մարդկային բնավորություն, Լուսինի պատմության միջոցով ընթերցողին է ներկայացնում որպես այսօրվա մարդ եւ մտերիմ զրուցակից:

Շարունակությունը՝ էջ 6, 7

ՌԱՓԱՅԷԼ ՊԱՏԿԱՆՑԱՆ (1830–1892)



Սկիզբը՝ էջ 5

Թե՛ հեղինակի եւ թե՛ ընթերցողի համար կողմնորոշիչ են եւ մյուս բնաբանները, որոնք Պատկանյանը դրել է համապատասխան բաժինների սկզբում։ Այսպես՝ հորից՝ Գաբրիել Պատկանյանից, նա վերցրել է հետեւյալ բնաբանը.

*Հառաջ մատիք ինձ լսել
Շառափողք քաջին Հայկա,
Ես կամիմ ձեզ արդ պատմել
Չազգասեր գործ Վարդանա։*

Սրան հաջորդող 6–8-րդ հատվածներում Վարդանը ներկայացված է որպես հայոց պատմական հիշողության ծնունդ։ Նա բնական եւ օրինաչափ շարունակությունն է Հայկի, Արամի, Տիգրանի եւ մյուսների, որոնց մոռացել են հաջորդ սերունդները, եւ այդ իսկ պատճառով Հայաստանը կրել է անդառնալի կորուստներ։ Ողբալի է Հայաստանի եւ հայության ներկա կացությունը, որ Վարդանին մղում է

հայրենիքի եւ նրա սրբությունների արժեւորման, ապրելու իմաստավորման, մարդկային ներքին անասելի տանջանքների եւ անհմարին իրավիճակներում կյանքի գնով փրկության որոնման։

Պոեմում հաջողված է Վարդանի բարոյական ներքին բարդ պատերազմի պատկերը։ Օրհասական պահին ծանրածանր մտատանջությունները նրան մղում են խորհելու հայրենիքի, ծնողների, կնոջ ու զավակների եւ մնացած ամեն ինչի մասին։ Նրա եզրակացությունը հստակ է. առանց հայրենիքի մնացածը ոչինչ է, ուրեմն՝ ճշմարիտ է եղել մախնիների առաքինի վարքը, որ ամեն ինչ ստորադասել են գերագույնի՝ հայրենիքի առաջ, ուստի մախնիներն արժանի են փառքի, բարի հիշատակի ու խոր հարգանքի։ Բայց հաջորդների մեղքով Հայաստանը գնացել է անկումից անկում, եւ պարսից գերտերության դեմ լինել-չլինելու ներկա պատերազմը դրա հետեւանքն է։ Պետականության կորուստը, անկյալ երկրի մասնատված վիճակը, օտարի գերիշխանության հանդուրժումը ներելի չեն մոր սերունդներին։ Այս գիտակցությունն է Վարդանին հարկադրում՝ անցյալի փառքերը հիշելով՝ ողբալ հայրենի կորուստները եւ դաժան թշնամու հանդեպ լցվել արդար վրեժի սուրբ զգացումով։

9-րդ հատվածի բնաբանը վերցված է Հ. Չոքբեից. «Կարծիք կա, որ հոգին ունի մի գաղտնի զորություն իր ապագա վիճակը կանխագգալու»։ Այս կանխագգացումը շատ է մռայլ։ Տեսիլի մեծ նրա մտքի հանդիման հայտնվում է ապագա Հայաստանը՝ ավելի թշվառ, հայ բազմամարդ քաղաքներն ու գյուղերը՝ ավերակ ու գրեթե ամայի, հայ սերունդները՝ ավելի ողորմելի։ Հասել է գործելու վճռական պահը։ Իր անելիքը նա որոշում է աներկբա։ Ավարայրի ճակատամարտում նա հայ զինվորների հետ միասին կարելու անելիք ունի։ Նախ նրանց պիտի ազատագրի ներքին վախից ու ստրկությունից եւ ներշնչի գալիք հաղթանակի հավատով։

*Մահի՛ց վախեցաք, ամոթ է հային
Իր ազատ կյանքը փոխել ըստրկին,
Մահ, մահ, եկ շուտով, սեւցուր իմ կյանքը,
Ինչպես սեւացավ հայերու փառքը։
Դե՛հ, վերջին անգամ հորանց տաղերով
Կռվեմք ու մեռնիմք պարսից թըրերով»* (2, 26)։

Վարդանի այս կոչը հայ զինվորների վրա ունենում է զորավոր ներգործություն. ճանապարհի հոգնածությունը եւ պարսից գերակշիռ զորական ուժից վախը թոթափած զինվորները Վարդանին արձագանքում են երգով՝ «Զինվորները երգում են», իսկ երգը բարձր ոգեւորության արտահայտություն է։ Զորավարն ինքն էլ զինվորներին պատասխանում է բովանդակալից երգով։ «Վարդանի երգը»

պոեմի գաղափարական ու զգացմունքային բարձրակետն է։ Այն, որպես խղճի ազատության համար հեռավոր անցյալում մեր ժողովրդի մղած պայքարի հուժկու դրսեւորումներից մեկը, խտացնում է հայության մեջ դարերով կուտակված ըմբոստությունն ամեն տեսակի բռնության, քաղաքական ու սոցիալական անարդարության, ազգային ու կրոնական հալածանքների դեմ եւ ունի ընդգծված արդիական բովանդակություն։ Պատահական չէ, որ համագալին հիմներգի արժեք ու կշիռ ունեցող այս մշակավոր երգը գեղարվեստական ինքնուրույն միավորի կարգավիճակով շրջում է ժողովրդի մեջ ու չի իջնում նրա շուրթերից.

*...Հիմի է՛լ լռենք, երբ մեր թշնամին
Դավով, հրապուրանքով տիրեց մեր երկրին,
Ջընջեց աշխարհից Հայկա անունը,
Հիմքից կործանեց Թորգոմա տունը,
Խլեց մեզանից թագ, խոսք եւ զենք,–
Հիմի է՛լ լռենք։
Հիմի է՛լ լռենք, երբ մեր թշնամին,
Արհամարհելով մեր փառքն ազգային,
Մեր եկեղեցուն ձեռամերձ եղավ,
Գառնազգեստ գայլին մեզ զըլուխ դըրավ։*

(Գրականագիտությունը (Արսեն Տերտերյան, Աշոտ Հովհաննիսյան եւ ուրիշներ) հակված է եղել կարծելու, թե «գառնազգեստ գայլ» այլաբանությամբ հեղինակը նկատի է ունեցել Գաբրիել Այվազովսկուն։ Առավել համոզիչ է Մ. Սաղյանի այն պնդումը, թե նա Գաբրիել Այվազովսկին չէ, որը մինչեւ 1859 թ. եղել է Փարիզի Մուրադյան վարժարանի տեսուչ, այլ հոգեւոր ամենաբարձր իշխանություն ունեցող «գլուխը»՝ Ներսես Աշտարակեցին, որը 1855 թ. արդեն տասը տարի Ամենայն Հայոց կաթողիկոս էր եւ Պատկանյանների հանդեպ կիրառել է խստագույն պատիժներ. Գաբրիել քահանային բանտարկել է տվել, նրա զավակներ Ռաֆայելին եւ Հովհաննեսին հեռացրել Լազարյան ճեմարանից։ Ըստ Մ. Սաղյանի համոզիչ բացատրության՝ նրա առիթով է գրված նաեւ «Դեւ Մրուս» ստեղծագործությունը (տե՛ս Մ. Սաղյան, մշվ. գիրքը, էջ 125–127, տողատակի 9-րդ ծանոթագրությունը))։

*Սուրբ խորան չունիմք, արդ՝ ո՛ր աղոթենք,–
Մինչեւ ե՛րբ լռենք։
Թո՛ղ լռե մունջը, անդամալույծը
Կամ՝ որոց քաղցր է թշնամու լուծը.
Բայց մենք, որ ունինք հոգի եւ սիրտ քաջ,
Եկ անվախ ելնենք թշնամու առաջ,
Գո՛նե մեր փառքը մահով ետ խըլենք –
Ու այնպես լըռենք* (2, 27–28)։

Շարունակությունը՝ էջ 7

1920 թվականի հայ-թուրքական պատերազմի դասերն ու այսօրվա իրականությունը...

Սկիզբը՝ էջ 5

Շնորհիվ հարձակման հանկարծակիության եւ զորքերի թվական գերակշռության՝ թուրքերը շարժվեցին դեպի Հայաստանի խորքերը։ Հայ ժողովուրդը կանգնած էր մոր ցեղասպանության վտանգի առջեւ։

1920 թ. հոկտեմբերի 8-ին Հայաստանի կառավարությունը դիմեց ամբողջ աշխարհի քաղաքակիրթ մարդկությանը՝ խնդրելով դատապարտել ու կանգնեցնել թուրք վանդալների արշավանքը։ Սակայն արեւմտյան տերությունները գրեթե չարձագանքեցին այդ կոչին։ Թերեւս միայն Խորհրդային Ռուսաստանն էր, որ փորձեց միջամտել ռազմական այդ կոնֆլիկտին եւ թույլ չտալ, որ թուրքերը վեջնականապես ջախջախեն Հայաստանը (հակառակ այն բանի, որ Քեմալ Աթաթուրքն իրեն հռչակել էր մեծ հեղափոխական եւ հոկտեմբերյան հեղափոխության ջախակիրը Արեւելքում)։ Սակայն գործնականապես վճռական միջամտություն այդպես էլ չեղավ։ Հայաստանը գտնվում էր Արեւմուտքի՝ Ֆրանսիայի, Անգլիայի եւ բոլշևիկյան Ռուսաստանի հակամարտ հարաբերությունների կիզակետում, ուստի եւ այդ տերություններից իրական աջակցություն ստանալու հնարավորությունները սակավ էին ու մշուշապատ։

Իսկ թուրքական զորքերը շարունակում էին գրավել մորանոր տարածքներ եւ մահ ու ավեր սփռել ամենուր։ Երկրում համագալին աղետալից վիճակ ստեղծվեց։ Կարծես թուրքերին դիմադրելու ուժ, կարողություն եւ ռեսուրսներ այլեւս չկային։ Արագորեն գրավված էին Սարիղամիշը, Կարսն ու Ալեքսանդրապոլը։ Թուրքական զորքերը գտնվում էին Երեւանից ընդամենը 15 կմ հեռավորության վրա։ Լկտիացած իրենց ունեցած անսպասելի արագ հաջողություններից՝ թուրքական առաջնորդները մորանոր ծանր ու խայտառակ պահանջներ էին դնում Հայաստանի կառավարության առջեւ։ Վերջինս այլեւս ի վիճակի չէր փոխելու իրադարձությունների զարգացման ծայրահեղ անհաջող ու ծանր ընթացքը եւ ժողովրդին հանելու հայրենական պատերազմի։ Ավելին. գտնվելով անելանելի վիճակում՝ դաշնակցական իշխանությունները փորձում էին քաղաքական մոր օրինատացիա ձեւավորել եւ լեզու գտնել թուրք բարբարոսների հետ։ Այդ առումով ուշագրավ է Երեւանում լույս տեսնող դաշնակցության պաշտոնաթերթի՝ «Հառաջի» հետեւյալ դիտարկումը. «Իր փրկության համար Հայաստանն ունի միայն մի ճանապարհ.

գտնել անմիջական կերպով մի ընդհանուր լեզու իր հարեւան թուրքի հետ։ Հայ ժողովուրդը կամենում է ապրել եւ ապահովել իր պետական ու ֆիզիկական գոյությունը հարատեւորեն, նա պետք է ունենա ոչ թե ռուսական, այլ թուրքական օրինատացիա» («Հառաջ», Երեւան, 20 նոյեմբերի 1920 թ.)։

Սակայն մեր պատմությունը դարեր շարունակ ապացուցել է, որ լրիվ ու միանգամայն անմտություն է հույս դնել թուրքի ողորմածության վրա։ Թուրքը երբեք չի բարձրացել քաղաքակրթական որոշակի աստիճանի եւ հեռու է Մարդ լինելու նրա ճամփան։

Եվ այդ մասին ամերկբա վկայում են դարերի թուրք ոճրագործների կատարած ռազմական ու այլ կարգի հանցագործությունները, որոնք հանցագործություններ են առհասարակ մարդու, մարդկության եւ մարդկայնության դեմ։

1920 թվականի հայ-թուրքական պատերազմը վերջինը եղավ հաջորդ հարյուր տարիների համար։ Այդ պատերազմի արդյունքները թուրքերն արագորեն ու հնարամիտ կերպով արձանագրեցին 1921 թ. մարտի 16-ին Մոսկվայում կնքված ռուս-թուրքական պայմանագրի դրույթներում։

Իսկ Մոսկվայի պայմանագրի դրույթները պարտադրվեցին նաեւ Խորհրդային Հայաստանի կառավարությանը 1921 թ. հոկտեմբերին՝ Կարսում կնքված պայմանագրով։ Զրկվելով իր կենսական բոլոր տարածքներից՝ հայ ժողովուրդը հայտնվեց փակուղում։


Պատմության դասերը երբեք չպետք է մոռանալ կամ անտեսել։ Այլապես հայ ժողովուրդը մշտապես հայտնվելու է մոր ողբերգությունների շեմին։

Մեր ժողովրդի փրկությունը հավաքական ուժի, միասնական բռնուցք դառնալու եւ ողջ ազգով արագորեն մարտունակ բանակի վերածվելու կարողության մեջ է, ինչը, սակայն, չկարողացանք անել 2020 թ. սեպտեմբերի 27-ին սկսված արցախյան պատերազմի օրերին՝ թուրքական մոր ագրեսիային դիմադրելիս եւ դիմակայելիս։

1920 թ. թուրքական վերջին ագրեսիայից անցել է 100 տարի, սակայն, ինչպես տեսանք, մեր ժողովրդի համար թուրքական յաթաղանից սպասվող վտանգը մշտապես մնում է օրակարգային եւ իրատեսական։

Արմեն ԿԱՐԱՊԵՏՅԱՆ
Պատմական գիտ. թեկնածու

ՎԱՀԱՆ ԹՈԹՈՎԵՆՑԸ ԴՐԱՄԱՏՈՒՐԳ



Սկիզբը՝ 2020-ի թիվ 18–24

Ղազի Չելեբին պատրաստ է անգամ հարյուրավոր կրոններ փոխելու, միայն թե կարողանա վրեժխնդիր լինել դավադիրներից: Նա դեմ է դուրս եկել անհրաժեշտություններին: Տոնույաններից հետո կարգը կփոխանցվեր ուրիշներին, այդպես Իսխելի անհրաժեշտությունների շղթան կշարունակվեր: Ժամանակը բոցավառում է անպարտված լինելու զգացումը: Հավատափոխությունից հետո, ինչպես նրա մուսուլման կինն է Սրմային պատմում, նա օրվա ընթացքում միայն երկու ժամով գնում է մաքսատուն, վերադառնում տուն, հյուրեր չի ընդունում, ոչ ոքի հյուր չի գնում: Զբաղվում է իր պարտեզի ծաղիկների խնամքով: Եթե Ղազի Չելեբին խուսափում է մարդկանցից հավատարացության պատճառով, ապա Իսխելն էլ անոթից տանից դուրս չի գալիս՝ մտածելով միայն վրեժխնդրության մասին:

Ընդհանրապես հոգեբանական փայլուն տեսարաններով հարուստ «Նոր Բյուզանդիոն» դրամայում մի շարք նկարագրություններ, տեսարաններ ու պատկերներ հասնում են դասական կատարելության: Անուրդի տեսարանը, ամբողջ երկրորդ պատկերը, որտեղ ներկայացվում է Ղազի Չելեբու հավատարացությունը, սուլթանական սարայում նրա ու իր հակառակորդների ակամա հանդիպումը եւ այլ համագանքներ գեղարվեստական անթերի հյուսվածքներ են:

Գնալով վրեժխնդրության ծավալներն ընդարձակվում են: Իսխելը կնոջն ասում է. «Սպանում եմ ինձ, հա, հասեք, կախաղան եմ բարձրացնում ինձ: Դա միայն աստծո

հիմարը կարող է անել...» (*Մույն տեղում, էջ 315*):

Հալետն ու Իսխելը համաձայնության են գալիս: Հալետը հանձն է առնում լուծել նրա վրեժը: Փոխարենը Իսխելը արտասահմանից եկող ամօրինական եւ կեղծ ոսկին պետք է գրանցեր իր անունով: Եթե Հալետի անունով գար, ու իրեն բռնեին, Իսխելն այդ դեպքում ոչինչ անել չէր կարողանա: Իսխելի կինը համաձայն չէր, որ ամուսինն այդպիսի վտանգների ենթարկեր իրեն ու ընտանիքը, սակայն վրեժի համար նա ամեն ինչի պատրաստ էր: Իսխելը կաշառում է մաքսատան աշխատողներից մեկին, որպեսզի Հալետին պատկանող կեղծ ոսկիները ստուգման չենթարկվեն, բայց Իսխելին նավահանգստում տեսնող Ղազի Չելեբին սկսում է կասկածել, որ ինչ-որ բան այն չէ: Կարգադրիչն էլ նրան ամեն կերպ ցանկանում է համոզել, որ գրասենյակում շատ գործեր կան, բայց Ղազի Չելեբին ոչ միայն չի գնում, այլև Նազիրի հետ սկսում է ստուգել ապրանքները: Նա «Նուր տեսակի մեխեր» անունով արկղում հայտնաբերում է կեղծ ոսկիներ, իսկ կարգադրիչին խորհուրդ տալիս. «Ես քեզ ազատեցի մի վտանգավոր արարքից. պահիր ոսկիները մոտդ, եւ ուրիշ առիթով թող ոսկիները չլվացնեն քեզ այդպիսի վտանգավոր խոստումներ տալու: Երիտասարդ ես եւ հանդուգն, բայց այդ բոլորը անարժեք են ամուսն եւ իմաստության առաջ» (*Մույն տեղում, էջ 332*):

Հազի Չելեբին Նազիրի հետ սուլթանին պատմում է կեղծ ոսկիների մասին: Սուլթանի հրամանով գլխատում են Հալետին ու Իսխելին: Հազի Չելեբին լուծում է իր վրեժը: Դրամայում սոցիալական գիծը հիմնականում տրված է նախավերջին պատկերում՝ բռնակալների վիճակի նկարագրությամբ, ինչպես նաեւ սուլթանական սուրայում երիտասարդների ու ծերունու զրույցում: Բռնակալները մեջք են ծռում՝ մի կտոր հացի գունդ վաստակելու համար մի երկրում, որտեղ սրբություն չկա: Եվ ահա ինչ է ասում ծերունիներին. «Աշխարհի մասին մի բան անհրաժեշտ է գիտենալ, մնացածը հեշտ է. պետք է գիտենալ, որ աշխարհը կանգնած է շողոքոթության, ստի եւ փառասիրության պոլների վրա. այս իմանալուց հետո ամեն բան կիմանաս, ամեն գործում կլինես իմաստուն եւ հաղթական: Պետք է շողոքոթես իշխանավորներին, պետք է ստես ընկերոջդ եւ սողոսկես ավելի ու ավելի բարձր դիրքեր: Փողոցային հասարակ եւ տգետ մարդիկ այժմ

նազիր են վեզիր են մեր սարայում այս երեք առաքինություններով: Մեր երկրորդ սենեկապետը հինգ տարի առաջ Ղալաթայում պոռնկանոցի տեր էր, սողոսկեց մինչեւ արքունիքի դռները, եւ դու կտեսնես, որ մի օր նազիրներից մեկը կանհետանա, եւ սենեկապետը կդառնա նազիր» (*Մույն տեղում, էջ 335*):

Ամբողջ դրամայում ակնառու է հեղինակի պատմական մոտեցումը, նոր հայեցակետով անցյալի սոցիալ-հասարակական սովորույթների հմուտ վերլուծությունը: Հենց այսպիսի կոնկրետ պատմական մոտեցման շնորհիվ են անհատականացել կերպարները՝ Հազի Չելեբին, Հալետը, Իսխելը, սուլթանը եւ մյուսները:

Դրամայի գլխավոր կերպարը Հազի Չելեբին է: Նա հայրենասեր է, ընտանիքին մղիկված մարդ, որն իր ազգականների կողքին է կյանքի դժվարին պահին: Մահապատժի են ենթարկվել Տոնույանները, Իսխելը առուրդի է հանում նրանց ունեցվածքը: Դեռ ավելին. Հազի Չելեբին փորձում է ապահովել Տոնույանների ընտանիքի կյանքը անվտանգությունը, բայց նրա արժանապատվությունը վիրավորվում է, երբ Իսխելը թքում է սկիհի մեջ: Հազի Չելեբու ապտակը դառնում է գործողությունների ծավալման միջոց: Նա խարդախ Իսխելից ու Հալետից վրեժ լուծելու համար ստիպված է լինում փոխել կրոնը եւ ամուսնանալ մուսուլման կնոջ հետ: Եթե Հազի Չելեբին այդ քայլին չդիմեր, ապա նա էլ Տոնույան եղբայրների նման կդառնար Հալետի ու Իսխելի խարդախների գոհը: Իսկ հավատափոխությունն ու սուլթանի շնորհած պաշտոնը մաքսային ծառայությունում Հազի Չելեբուն հնարավորություն կտային պայքարելու անհրաժեշտությունների դեմ՝ վրեժ լուծելով խարդախ եւ անհրաժեշտ մարդկանցից:

Հավատափոխության գնալու քայլը Հազի Չելեբին միանգամից է անում, բայց հեշտ չէր նրա համար: Նա կտրվում է իր ընտանիքից՝ կնոջից ու աղջկանից, որոնց շատ սիրում էր: Սուլթանը ցնծությամբ է ընդունում այդ լուրը եւ իր վերարկուներից մեկը հագցնում է Հազի Չելեբուն՝ իբրեւ զնախատանք նրա ազնիվ արարքի: Չելեբին խոնարհաբար ու համեստորեն հրաժարվում է Անգլիայի դեսպանի, արքունի գանձապետի պաշտոններից, որ սուլթանն էր նրան առաջարկում: Դրանցից ոչ մեկը, որքան էլ հզոր դիրք ու իշխանություն ունենար, չէր կարող հնարավորություն ընձեռել ծնկի բերելու Իսխելին: Մինչդեռ Իսխելի ու Հալետի նման խորամանկ մարդկանց հնարավոր էր իրենց դիրքից ցած գցել՝ մաքսատան ղեկավարությունը ստանձնելով: Երբ Իսխելը փորձում է մաքսատանից անցկացնել Հալետին պատկանող կեղծ ոսկի դրամներ-

ը, Հազի Չելեբին՝ իբրեւ օրինապահ, սուլթանին ու նրա արքունիքին հավատարիմ մարդ, ներքին մեծ հրձկանքով մերկացնում է Իսխելին՝ իրողության մասին հայտնելով սուլթանին: Ուշագրավ է, որ սուլթանին ուղղված միակ խնդրանքն այն էր, որ մուսուլման կնոջ հետ ամուսնանալուց առաջ գոնե մեկ անգամ տեսակցի իր ընտանիքին եւ սուլթանից խնդրում է նաեւ ապահովություն իր ընտանիքի համար:

Երբ դահճապետը տանում է Իսխելին ու Հալետին, հռիռու է Հազի Չելեբին, ինչպես դրամայի սկզբում հռիռու էր Իսխելը, երբ գլխատման էին ենթարկվում Տոնույան եղբայրները: Նա ծիծաղում էր նախառաջ Իսխելի վրա, որ ցանկանում էր հիմնահատակ ոչնչացնել իր թշնամի Տոնույանների ցեղը, այնուհետեւ նա ծիծաղում էր Օսմանյան կայսրության վրա՝ սուլթանից մինչեւ ստորին թուրք ծառան, որոնց հիմարացրեց իր ուրացությամբ՝ պայմանավորված ոչ թե «ճշմարիտ կրոնի» լույսով, որն իբր թե ոգեւորել է դիմելու այդ քայլին, այլ միայն Իսխելին վնասագրեծելու եւ նրանից վրեժ լուծելու սեւեռում նպատակով: Ծիծաղում է նաեւ իր վրա, որ ի վիճակի եղավ մասնակցելու արյունով ու բարոյական անվերականգնելի կորուստներով լի խաղին: Չելեբու ծիծաղը բխում է իր հոգու ալեկոծությունից: ԶԷ որ հավատարացության հեշտությամբ չէր գնացել: Այդ քայլից հետո Հազի Չելեբին գրեթե չէր շփվում մարդկանց հետ եւ զբաղվում էր միայն իր պարտեզի ծաղիկների խնամքով: Այստեղ միավորվում են երկու հակադիր զգացումներ՝ հաղթանակի բերկրանքը եւ հոգու տառապանքը: Երկրորդը, բնականաբար, ավելի բարձր է ինչում, քանի որ ծնվում է կորստի ցավից:

Զնայած Հազի Չելեբու նման քայլին՝ կինն ու դուստրը ատելությամբ չեն լցվում նրա նկատմամբ: Երբ նրա կնոջը՝ Սրմային, այցելում է Հազի Չելեբու մուսուլման կինը, դստեր հետ նա մեծ շուքով ընդունում է Նազմիեին, սիրով հյուրասիրում է, թանկարժեք նվերներ տալիս եւ խնդրում հոգ տանել ամուսնու մասին: Մեծահոգի կնոջն անգամ դուր է գալիս ամուսնու մուսուլման կինը, ուրախանում է, որ ամուսինը ապահով ձեռքբերում է:

Հազի Չելեբու հակապատկերն է Իսխելը, մարդ, որն զբաղված է հարստություն կուտակելով: Հալետի հետ նա խարդավանքների մեջ է մտնում, սուլթանի առաջ դավաճանական մեղքեր վերագրում Տոնույաններին: Նրանց պատճառով սուլթանը հրամայում է գլխատել Տոնույան եղբայրներին: Վրիժառության մոլուցքով տարված Իսխելը ցանկանում է պատժել Հազի Չելեբուն, քանի որ վիրավորվել է նրա արժանապատվությունը:

Շարունակությունը՝ էջ 8

ՌԱՓԱՅԵԼ ՊԱՏԿԱՆՑԱՆ (1830–1892)

Սկիզբը՝ էջ 5, 6

Պոեմում Պատկանյանը եղիշեից, Փարպեցուց ու Ալիշանից ստացած ներշնչումներով է պատկերել Ավարայրը եւ կերպավորել նրա հերոս Վարդան Մամիկոնյանին: Այս պարագայում պատմական դեպքերի ճշգրտությունն այնքան կարեւոր չէ, որքան ռոմանտիկ հեղինակի հզոր երեւակայությամբ հյուսված ռազմի տեսարանների եւ դրանց մեջ Վարդան-ոյուցագնի անօրինակ հերոսության եւ սխրալի մահվան՝ ճշմարտացիության չափի հավաստիությունները: Ավարտվել է ճակատամարտը, ոչ ոք լուր չունի Վարդանից: Այն ոյուցագուն հերոսը, որի թրով թշնամու մե-

ծաքանակ գինվորները մծեղի պես էին ոչնչանում, եւ որի հարվածներից թշնամական բանակի բլրաչափ ահռելի փղերը քարաժայռի պես էին գլորվում, գոհվել է արդյոք, թե՞ գերի ընկել...

Բայց ահա գոռ ճակատամարտում կարելվեր խոցված Վարդանը, մահացու նետը սրտի մեջ ցցված, տեսիլքի պես գիշերով հայտնվում է իր անքուն գինվորներին՝ մահից առաջ նրանց հղելու վերջին պատգամը: Վարդանի մեջ խոսում է Սիամանթոյի բանաձեւած «դարերու վրեժը».

–Լավ է մեր կյանքը կարճանա սրբով,
Քան հալվի, մաշվի թըշնամու լըծով...
...Դեհ, մնաք բարեւ, Տեր, ա՛ն իմ հոգին,

Ազատ կյանք կամ մահ ազնիվ տուր հային:–
Լռեց, ու իսկույն նետը մահաբեր
Հանեց աներկյուղ կրծքից կարեվեր (2, 32):

Տարբեր առիթներով հեղինակն ընդգծել է, որ երկի գաղափարական ընդհանրացումը եւ հիմնական ասելիքը 16-րդ հատվածն է: Սերունդներն ինչպես են ընկալում եւ իմաստավորում Վարդանի մահը, եւ ինչով է ավարտվում Լուսնի պատմությունը:

Նախ՝ Վարդանի մահը Ավարայրից ի վեր ծանրագույն կորուստ էր, որովհետեւ նա հայրենասիրության գլխավոր չափանիշն էր.

Կորավ Դյուցագուն – կորավ Հայաստան,
Չի հայոց միակ հույսն էր Վարդան,
Թըշվառ հայ ազգին նորա վեհ սիրով
Էլ այնուհետեւ չսիրեց ոչով (2, 33):

Ուրեմն՝ անհրաժեշտ է, որ նոր սերունդները հատկապես Վարդանի սիրով սիրեն հայրենիքը: Ի վերջո այն է հայրենին փրկելու համար Վարդանի եւ Ավարայրի բոլոր 1036 վկաների նահատակության անմահ խորհուրդը:

Շարունակելի

Սամվել ՄՈՒՐԱԴՅԱՆ
Բանասիրական գիտ. դոկտոր, պրոֆեսոր

Ստեփան Զորյանի «Տխուր մարդիկ» պատմվածաշարը

Սկիզբը՝ 2020-ի թիվ 23–24

Զորյանի «Օրիորդ Մարիամը», «Կատակ» պատմվածքների հերոսներն իրենց վարքագծով եւ էությունը, թվում է, պայմանավորում են իրադարձությունների հետագա ընթացքը:

«Տխուր մարդիկ» ժողովածուի մեջ ընդգրկված «Կամաց խոսեք» պատմվածքի հերոս Դավիթ Դանիելյանը Ս. Գեորգ եկեղեցու երեսփոխն է, ծխական դպրոցի հոգաբարձուն, մարդասիրական ընկերության անդամ, քաղաքային դոմայի իրավասու, սանիտարական հանձնաժողովի նախագահ եւ տնատեր ու պատվավոր քաղաքացի:

Զորյանի հերոսները վախենում են իրականությունից, նրանց մշտապես ուղեկցում են սարսափն ու անվստահությունը, այդ պատճառով էլ նրանք զգույշ են, չափից ավելի լարված: «Կատակ» պատմվածքի անանուն հաշվապահն իր համար ստեղծել էր նույնպիսի «պատյան», ինչպիսին Պրոպոսի հերոսը: Հաշվապահը եւ Պրոպոսը ավելի հակված են դեպի սեփական պատյանը: Սակայն նախորդ պատմվածքների հերոսների համեմատ նա դեմ առ դեմ հանդիպում է այլ կյանքի հնարավորությանը: Համակարանը տառնում էր երիտասարդ կնոջ նկատմամբ՝ նա գիտակցում է իր «պատյանի» ողջ տաղտկալիությունը եւ, մերժում ստանալով, ի վերջո ինքնասպանություն է գործում: Զորյանը չի խորանում հանգամանքների մեջ, չի պարզաբանում պատճառները, սակայն պարզ է դառնում, որ այդ հերոսը կարող էր կրկնել Պրոպոսի նույն մտքերը. «Արժե ասել այդ կյանքի համար»:

«Պրոպոս» պատմվածքը նույնպես «Տխուր մարդիկ» շարքում է ընդգրկված: Վարակվելու երկյուղից ահագնացած՝ հերոսը չի ամուսնանում եւ նույնիսկ գիրք չի կարդում: Զորյանի հերոսներին միավորում է նրանց նեղ եւ սահմանափակ էությունը, ատելությունը կյանքի նկատմամբ: Նրա հերոսների անհատականացված կերպարներ են, իրենց մեջ կրում են ժամանակի ոգին, տարբերվում են նաեւ իրենց մարդկային նկարագրով: Զորյանը կատարելագործեց



արձակի այդ ձեւը՝ հարստացնելով «ինքնատիպ ու ազգային» շատ կողմերով: Գրողի վերաբերմունքն իր «տխուր մարդկանց» նկատմամբ միակողմանի չէ: «Տխուր մարդիկ» ժողովածուն հատկանշական է նրանով, որ Զորյանը ոչ միայն հայտնաբերել է նոր հերոսների՝ «տխուր մարդկանց», այլեւ գրելու նոր եղանակ ու ձեւ:

Զորյանի առաջին՝ «Տխուր մարդիկ» գրքին բնորոշ շատ առանձնահատկություններ իրենց դրսևորում են գտնում հենց աննկատելի «մանրուքների մեջ», իրերի աշխարհում: Ցանկացած նովելում հեղինակը բեռեռնում է ընթերցողի ուշադրությունը առաջին հերթին հերոսի շրջապատի վրա, որովհետեւ համարում է կարելու՝ որտեղ է նա, ովքեր են նրա հետ, ինչ իրեր են նրան շրջապատում: Զորյանը իր ստեղծագործության նյութը դարձրեց 20-րդ դարի առաջին կեսի սոցիալական ու քաղաքական բարդ իրադարձություններում հայտնված «փոքր մարդու» հոգեբանությունն ու ճակատագիրը: «Տխուր մարդիկ» ժողովածուում հավաքված պատմվածքները գրված են 1913–1917 թթ. եւ ունեն մեծ ընդհանրություններ թե՛ արժարժված հարցերի, թե՛ գեղարվեստական ձևի առումով:

մով: Զորյանը գրականություն էր բերում իրեն մանկությունից ծանոթ գավառական քաղաքի կյանքն ու տիպերը, «տխուր մարդկանց» տառապանքը, առօրյա ծանր հոգսերն ու դաժան միջավայրի պատկերները: Ժողովածուի հերոսները հասարակության այն շերտերի ներկայացուցիչներն են, որոնք ամբողջ կյանքում տառապում են թե՛ նյութապես, թե՛ բարոյապես, թե՛ տանք, թե՛ դրսում, ապրում են առանց վաղվա օրվա հավատի, անաղմուկ, գորշ, ձանձրալի կյանքով:

«Տխուր մարդիկ» շարքով Զորյանը գրականություն էր բերում հերոսների, որոնց մամուլները կային ռուս եւ եվրոպական գրականությունների մեջ: Դրանք Գոգոլի, Դոստոևսկու, Զեյսովի, Մոպսսանի փոքր ու խեղճ մարդիկ էին, բայց արդեն հայկական տարածքում ու հոգեբանությամբ, հայ իրականության մեջ: Այդ մարդիկ կյանքի ընդհանուր հորձանքից դուրս մղված, մեկուսացած, իրենց պատյանի մեջ քաշված մարդիկ են, որոնք կարծես ոչ անցյալ ունեն, ոչ ապագա: Նրանք ապրում են միայն տվյալ պահի գիտակցությամբ, նրանց կյանքը քարացել-անշարժացել է մի կետում՝ փոքր ու մեծ հոգսերի մեջ:

«Տխուր մարդիկ» շարքում պատկերված են փոքր քաղաքի բնակիչները, աղքատ ուսանողները, ծխական ուսուցիչները, դպրոցի վերակացուները, գյուղական քահանաները, մանր խանութի գործակատարները: Զորյանը կարողանում է թափանցել մարդու հոգու խորքերը, հարազատորեն պատկերում է դաժան միջավայրի արտաքին ճնշումը մարդու վրա, բացահայտում է կյանքի տերերի եւ խորթ գավակների, արտոնյալների եւ ոչ արտոնյալների հարաբերությունը, անձուկ կյանքով ապրող մարդկանց մերաշխարհը: Նկարագրելով այդ մարդկանց՝ գրողը ոչ թե ծիծաղում է նրանց վրա, այլ խորապես ցավում. նա ցավում է «Շաքարամանը», «Վճռական մարդը», «Կատակ», «Բարեկամներ» պատմվածքների կամագուրկ, բախտից հալածված հերոսների համար, որոնց կյանքում չենքին դեպքը դառնում է ողբերգության ու տա-

ռապանքի աղբյուր: Այդ պատմվածքներն ավարտվում են խոր թախիծով, որովհետեւ դրանց ենթատեքստը «անմեղ մեղավորների» նկատմամբ տառաժնային մարդասիրական քննադատությունն է, որովհետեւ այդ մարդկանց պատրանքներն ու անեղանչին ձգտումները խորտակվում են՝ հանդիպելով միջավայրի անտարբերության ժայռին (*Սովետահայ գրականության պատմություն, առաջին հատոր, Երևան, 1961, էջ 7*):

Պատմվածքների հիմքում ընկած փաստերն այնքան անշուշտ են, որ երբեմն հիշեցնում են կենցաղային սովորական անեղություններ, բայց ամբողջ խնդիրն այն է, որ այս մաները Զեյսովից եկող «գիտակցված



գրական մաներ էր»՝ ավելի ցայտուն ընդգծելու այն ահավոր հակադրությունը, որ կար մանրացած, խեղանդամված մարդու եւ նրան այդպես դարձնող միջավայրի միջեւ:

Շարունակելի

ԱՆՆԱ ԹՈՐՈՍՅԱՆ

ՎԱՀԱՆ ԹՈԹՈՎԵՆՑԸ ԴՐԱՄԱՏՈՒՐԳ

Սկիզբը՝ էջ 7

Միեւնույն ժամանակ հասկանում է, որ հեշտ չէ Հաջի Զեյնուլդին որոգայթներ հյուսելը: Խորամանկ Իսխել վրեժ լուծելու համար անգամ պատրաստ է վատնել իր ողջ հարստությունը: Նա ի վերջո ընկնում է Հալետի թակարդը: Վերջինս զբաղվում է կայսրություն կեղծ ոսկիների ներմուծմամբ: Երբ Հաջի Զեյնուլդին ստանձնում է մաքսատան ղեկավարի պաշտոնը, արդեն վտանգվում է նրա գործունեությունը, եւ որոշում է իր վրայից պատասխանատվությունը զցել Իսխելի վրա՝ փոխարենը նրան խոստանալով վրեժ լուծել Հաջի Զեյնուլդին: Երկու խարդախներն ի վերջո ընկնում են իրենց հյուսած թակարդն ու գլխատվում: Սուլթանը նույն սառնասրտությամբ, որով հրամայել էր գլխատել Տոուզյաններին, ինչպես նաեւ շատերին, որոնք ընդդիմանում էին իրեն, հայրենակիցներին գլխատելու որոշում է կայացնում, իսկ ինքն առանց խղճի խայթ զգալու գնում է իր հաճույքների հետեւից. «Ողջ աշխարհը վաղուց քնած է, իսկ այս սրիկաները վրդովում են իմ գիշերը: Արարողապետ, մեջքան ուղարկիր վրացուհուն: Գնանք» (*Մույն տեղում, էջ 344*):

Անհատի ու մարդու երկփեղկ, երկիմաստ կյանքն այնպես կենդանի է ներկայացրել գրողը, որ ընդհանրական պատկերացում է տալիս սուլթանական պետության մասին,



որտեղ ապրել կամ պարզապես գոյություն պահպանելը հնարավոր էր միայն մարդկային բարոյական արժեքների անվերադարձ կորստի հաշվին: Ահա թե ինչպես է կայսրության եւ մարդկային արժեքների մասին խոսում դրամայի հերոսներից Իսխելը. «Մի կողմից՝ պետք է բարեկամանամ իմ թշնամու հետ, մյուս կողմից՝ իմ ամբողջ հարստությամբ կաշառքներ բաժանեմ իսլամ

մեծամեծներին, մինչեւ գտնեմ իմ թշնամուն դատապարտելու մի փոքրիկ առիթ: Կաշառքը հիմքն է այս կայսրության: Իսխել, հավաքիր քո բոլոր ուժերը, երկրպագիր, կռաքիր ներքին անշիջելի ատելությամբ, ժպտա՛ արտաքուստ, իսկ ներքուստ դիզիր դեղին մաղձ» (*Մույն տեղում, էջ 316*):

Իսխելի գործողությունը, նրա կերպարի դրամատուրգիան մարմնավորում են նրա արարքները, բայց դա չի նշանակում, որ վերջինները երկրորդական դեր ու նշանակություն ունեն: Այսպիսի դասավորությամբ թոթովենցը կառուցում է Զեյնուլդին վրիժառության արդարացիությունը՝ այն իմաստավորելով կերպարին բնորոշ իմաստախոսությամբ: Իր որոնումներում ու գործողություններում նա որքան դաժան է, նույնքան ազնիվ ու արդարամիտ: Զեյնուլդին հաղթում է ոչ միայն նրա համար, որ ավելի ուժեղ է, քան Իսխելը, այլեւ օժտված է մարդկային բարձր արժեքներով եւ պայքարում է այդ արժեքների վերականգնման համար: Զեյնուլդին հաղթանակը նաեւ պայմանավորված է նրա մարդկային, թեկուզե դաժանորեն ընթացող, սակայն բարձր իդեալի գոյությամբ: Ահա թե ինչ է ասում նա Տոուզյան եղբայրների մորը. «Հարգում եմ ձեր վիշտը, տիկին, զգում եմ ցավի թույնը, որ սողոսկում է ձեր մայրական սիրտը, բայց կա մի ուրիշ մեծ բան, մեծ տիկին. ողջ

մի սերունդի գոյության հարցն է դրված մեր առաջ: Պետք է փրկել այդ սերունդի հավատքը՝ փրկելու համար սերունդը» (*Մույն տեղում, էջ 344*):

Շարունակելի

Մերի ՀՈՎՀԱՆՆԻՍՅԱՆ
Բանասիրական գիտ. թեկնածու

ՔՐԻՍՏՈՆՅԱ ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան»
թերթի խմբագրություն

Գլխավոր խմբագիր՝
Ասողիկ Ստամբուլյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ gristhay@etchmiadzin.am
astghikstam@gmail.com

web կայք՝
krishayas.wordpress.com
Ստոր. տպագր. 15.01.2021 թ.

Տպաքանակը՝ 1175